

দরদী

তৃতীয়ক নাটক

শ্রীপাঁচকড়ি চট্টোপাধ্যায়

চীপ থিয়েটারে অভিনীত

উদ্বোধন রজনী—২৩শে ডিসেম্বর, ১৯৩৩ সাল

গুরুদাস, চট্টোপাধ্যায় এণ্ড সন্স্
২০-এ-১১, কৰ্ণওয়ালিস্ স্ট্রীট, কলিকাতা

আট আনা

শুধুদাস চট্টোপাধ্যায় এও সঙ্গের পক্ষে ভারতবর্ষ প্রিন্টিং ওয়ার্কস্ হইতে
শ্রীনরেন্দ্রনাথ কোঁটার দ্বারা মুদ্রিত ও প্রকাশিত
২০৩১১১, কৰ্ণওয়ালিস্ ষ্ট্রীট, কলিকাতা

ব্যথিতের ব্যথায় যাদের হৃদয় করুণায় ভ'রে ওঠে, যাদের
দরদ-ভরা বেদনা-বিধুর হৃদয়ে আশ্বাসবাণী—আশার পুলক-
স্পন্দন জাগিয়ে তোলে আজ তাঁদেরই হাতে আমার “দরদী”কে
তুলে দিচ্ছি ।

লেখকের কথা

চীপ থিয়েটারের কর্তৃপক্ষের ঐকান্তিক যত্ন ও চেষ্টায় “দরদী” যে সাধারণের সম্মুখে সর্গোরবে আত্মপ্রকাশ করিয়াছে তার জন্য আমার আন্তরিক কৃতজ্ঞতা শুধু থিয়েটারের কর্তৃপক্ষেরই প্রাপ্য নয়। যাঁর প্রয়োজনায় “দরদী” পাদপ্রদীপের সম্মুখে সমুজ্জ্বল হইয়াছে আমার অনুরক্ত প্রতিম শ্রীযুত মণীন্দ্রনাথ ঘোষ, সুরশিল্পী শ্রীযুত ধীরেন্দ্রনাথ দাস, এবং নৃত্যাচার্য্য শ্রীযুত ললিতমোহন গোস্বামী ও চীপ থিয়েটারের কৃতী শিল্পীগণেরও সমান দাবী।

নানা কারণে মুদ্রণ কার্যে অত্যধিক বিলম্ব হওয়ায় বর্তমান সংস্করণে অভিনেতৃবর্গের নাম এই নাটকে, সন্নিবেশিত হইল না বলিয়া দুঃখিত হইলাম। আশা করি পরবর্তী সংস্করণে এ ক্রটি সংশোধন করিব।

কলিকাতা
বড়দিন—১৩৪০

} শ্রীপাঁচকড়ি চট্টোপাধ্যায়

•

পুরুষগণ

শুলতান			
ইরুফান সাহ	...	আলেপ্যোর প্রধান আমীর	
হাজি	}	ঐ মোসাহেবগণ	
হায়দার			...
হাফেজ			...
জাফর	...	শুলতানের অমুচর	
হামজাদ	...	বান্দা	
নরু	...	আলেপ্যোসহরের জনৈক ভিধারী	

সরাইওয়ানা, দাসব্যবসায়ীগণ, জনৈক লোক, সিপাহীগণ,
ক্রীতদাসগণ, অমুচরগণ ইত্যাদি ।

স্ত্রীগণ

হাসিনা	নরুর কন্যা
শুলজার	বান্দী
মোতিয়া	বান্দী

ইরানী নর্তকী, বান্দীগণ, ক্রীতদাসীগণ, নর্তকীগণ ইত্যাদি ।

দব্দী

প্রথম অঙ্ক

প্রথম দৃশ্য

স্থান—আলেপেয়া সহরের সীমান্তবর্তী কৃষক-পল্লী—পথিপার্শ্বে নব্বুর
গৃহ। গৃহখানি সামান্য একখানি আড়ম্বরশূন্য কুটির মাত্র—
স্বল্পপ্রশস্ত আকিনায় একটা বেদী বাঁধানো ঝাউ গাছ।
গৃহসীমানা মেহেন্দীর বেড়ায় ঘেরা। নব্বুর
অলোকসুন্দরী কন্যা হাসিনা সেই
আকিনার ঝাউ গাছের তলায়
বেদীকার উপর বসিয়া
গাহিতেছিল।

গীত

ওরে পাখী—ওরে পাখী
কেন আকুল স্বরে থাকি থাকি
বলিস্ “চোখ গেল” ?
এমন হাসিভরা দুনিয়াখানা
তোর চোখে লাগে না ভাল ?

রাজা রবির রঙ্গিন আলো

রাঙিয়ে দেছে কুঞ্জকলি—

রঙ্গিন আভা মেখে নাচে

কালো জলে চেউগুলি—

কোকিলা কুহ ডাকে,

কুঞ্জবনে পাতার কঁাকে

অলি কর ফুলের কানে মুখটি তোল

ঘোমটা খোল ॥

[পরিব্রাজকবেশী সুলতান ও তাঁহার অনুচর জাফর বেড়ার অপর পার্শ্বে
দাঁড়াইয়া নিবিষ্ট মনে হাসিনার গান শুনিতেছিলেন। গান
শেষ হইলেও সুলতান স্থাণুর মত সেইখানে দাঁড়াইয়া
একদৃষ্টে সেই লাবণ্যময়ীকে দেখিতে
লাগিলেন]

জাফর। আশুন হুজুর—

সুলতান। বড় পিপাসা জাফর, ছাতি কেটে যাচ্ছে—

জাফর। তার জন্তে চিন্তা কি জনাব। ওগো বাড়ীতে কে আছে—ঘারে

পিপাসার্ত্ত পথিক—[হাসিনা বেড়ার আগল খুলিয়া বাহিরে আসিল]

হাসিনা। পিপাসার্ত্ত আপনারা ? ঘরে ত আর কিছু নেই—শুধু জল

দোব কেমন ক'রে ? বাবা আমার ভিক্ষায় গেছেন, তিনি না এলে—

সুলতান। কোন চিন্তা নেই সুন্দরী, বুলবুলের মিষ্টি গান আর মিষ্টি

কথায় আমি সুধার আস্থাদ পেয়েছি—আমার ক্ষুধার শান্তি হয়েছে

—এখন শুধু একটু জল পেলে পিপাসার শান্তি করি—

[লজ্জায় হাসিনার মুখখানি রক্তা হইয়া উঠিল, সে যুহু হাসিয়া
নতমুখে গৃহমধ্যে চলিয়া গেল এবং অনতিবিলম্বে
জল লইয়া বাহিরে আসিল]

হাসিনা । এই জল নিন—শুধু জল কিন্তু—কিছু মনে কর্বেন না, আমি
গরীব ভিকিরির মেয়ে—মেহমানের খাতির কর্তে পারলুম না ।

সুলতান । [জল পান করিয়া] আঃ পরিতৃপ্ত হলাম । পিপাসায়
কণ্ঠাগতপ্রাণ মোসাকেরকে আজ নবজীবন দান করলেন আপনি,
জানি না এ কৃতজ্ঞতার ঋণ কখনও পরিশোধ কর্তে পার্বো কি না—
আপনাকে বহুত বহুত সেলাম—[স্বগত] খোদা, জানি না এ
তোমার সুবিচার কি অবিচার ! বেহেশ্তের যে রোশনী আমীরের
ঘর আলো কর্বে সে রোশনী জেলে দিয়েছ দীন ফকিরের কুটিরে !
[প্রকাশ্যে] জিজ্ঞাসা কর্তে পারি কি বিবি, এ গৃহের মালিক কে ?
হাসিনা । এ কুটিরের মালিক নব্বু ভিখারী ।

[সুলতান ও জাকরের প্রস্থান ।

[হাসিনা অবাক-বিস্ময়ে চাহিয়া রহিল]

নব্বুর প্রবেশ

নব্বু । ঋণ—ঋণ—ঋণ । ভিক্ষা ক'রে যাকে দিন গুজরাণ করতে হয়
তাকেও ঋণের ভাবনা ভাবতে হয় ! অথচ সে নির্দোষ—নিশ্চাপ !
কিছু জানে না সে—আজীবন দীনতার কোলে পালিত—ভিক্ষালব্ধ

অগ্নে পরিপুষ্ট—পরিবর্জিত ! কবে—কোন সূদূর অতীতে ধ্বংস করেছিলেন তার পিতা—যে পিতার এতটুকু স্নেহ সে একটা দিনের জন্য পায়নি—আজ সেই পিতৃধ্বংসের বোঝা তার মাথায়। কোন স্নায়ের বিধানে—কোন কর্তব্যের অজুহাতে তা সে জানে না—অথচ এ গুরুদায়িত্ব তার ! চমৎকার বিচার !

হাসিনা। বাবা—বাবা—

নব্বু। যুষ্টি ভিক্ষায় জীবন ধারণ করে পরের অনুগ্রহের মুখ চেয়ে—তথাপি এ দায়িত্বের বোঝা তার উপর ! হোক নির্দোষ সে—হোক নিষ্পাপ সে—পাওনাদারের জুলুম তাকে সহিতেই হবে। খোদা ! তোমার ছনিয়াটা উন্টে গেছে নাকি ? নইলে—ওঃ—

হাসিনা। বাবা—বাবা—অমন কচ্ছো কেন বাবা ?

নব্বু। এঁয়া—কে—হাসিনা ? কি করেছি মা—কি করেছি ? কৈ আমি ত—আমি ত কিছুই করিনি ?

হাসিনা। করনি ? মিথ্যা বলচো আমার কাছে ? আমি দেখিনি বুঝি ? ও বাবা, তোমার মুখ দেখে আমার ভয় হচ্ছিল তুমি আপন মনে কি বিড়্ বিড়্ করে বক্ছিলে ?

নব্বু। বক্ছিলুম নাকি ? তা হবে। কাঠফাটা রোদে ঘুরে ঘুরে মাথাটা গরম হয়ে উঠেছিল—তাই বোধ হয় সৃষ্টির উপর খোদার এক চোখোমী দেখে তাকে গাল দিচ্ছিলুম।

হাসিনা। এটা কিন্তু তোমার অন্তায় বাবা, খোদা এক চোখো নন—সকলের উপর তাঁর সমান মেহেরবানী।

কল্যা যার আসা পথ চেয়ে সমস্তদিন ধরে শুকমুখে অনাহারে বসে
আছে, আর সে যদি—হাসিনা—হাসিনা—ওঃ—খোদা—
হাসিনা। বাবা—বাবা—অমন করোনা বাবা—

নব্বু। না—না—কিছু না—হাসিনা, তোর মুখখানা যে শুকিয়ে
গেছে মা, কিছু খাসুনি বুঝি ?

হাসিনা। ঘরে ত কিছুই ছিলনা বাবা—একজন মেহমান এসে-
ছিল ক্ষুধার্ত—পিপাসার্ত—শুধু একটু জল খেয়ে পরিতৃপ্ত হয়ে
চলে গেল।

নব্বু। মেহমান এসেছিল ? ভিখারীর ঘরে মেহমান ! [স্বগত]
সেই শয়তানের চর ! ওঃ এত জুলুম ! এত জুলুম ! দেখবো
আজ তার একদিন কি আমারই একদিন—[গমনোচ্চোগ]

হাসিনা। বাবা—কোথায় যাচ্ছে বাবা ? এই সারাদিন পরিশ্রম
করে এসেছ আবার এখনই—

নব্বু। পরিশ্রম করেছি—ক্রান্ত হয়েছি—কিন্তু রিক্ত ফিরে এসেছি
হাসিনা—ভিক্ষায় একমুঠো চানাও পাইনি। পেতুম—নেহাত
রিক্ত ফিরতে হত না, কিন্তু শয়তানের শয়তানীতে রিক্ত ফিরে
এসেছি। না—ধাকতে পারবো না, আমায় যেতেই হবে। আমি
মর্তে পার্কো, কিন্তু তোর শুকনো মুখ দেখে এক লহমা বাঁচতে
পার্কো না ! তুই ভেতরে যা—ঘরের বার হসুনি। হাজার মেহমান
আসুক ঘর থেকে বেরুসুনি।

[প্রস্থান।]

হাসিনা। বুঝতে পারলুম না, বাবার আঁক এরূপ ভাবান্তর কেন ?
মেহেরবান খোদা, আমার বুঝিয়ে দাও এও কি তোমার
মেহেরবাণী !

গীত

কেয়া মেহেরবাণী ইয়ে তেরা

খোদা তুহি মেহেরবান ।

হাসি খুসি ছুখ দরদ কায়সে করু পরচান ॥

কোইকো মিলতা উন্দা খানা

বাগ বাগিচা বালাখানা,

কোইকো ভুকে মুঠি চানা

মিলানে পরেশান্ ॥

[কুটার মধ্যে প্রবেশ করিল]

নব্বুর পুনঃ প্রবেশ

নব্বু। হাসিনা—হাসিনা— মা—

হাসিনার প্রবেশ

হাসিনা। আবার ফিরলে যে বাবা ?

নব্বু। তাইতো আবার শুধু হাতে ফিরলুম ! ঐ শুকনো মুখখানি

দেখেই ত আকুল হয়ে ছুটেছিলুম—আবার ফিরলুম কেন ? কি

জানিসু মা, একটা অজানা আতঙ্ক যেন আমার পেছ নিরেছে ।

হাসিনা । কিসের আতঙ্ক বাবা ?

নব্বু । কিসের আতঙ্ক ! না—খাক, ও কিছু নয়, তুই ভেতরে
যা—আমি যাচ্ছি—

হাসিনা । তোমায় বলতেই হবে বাবা, নইলে আমি কিছুতেই
ছাড়বো না—

নব্বু । সে কথা শুনে তোর কাজ নেই মা, হয়ত—শুনে তোর
ভারি রাগ হয়ে যাবে, হয়ত ভারি দুঃখ হবে—হয়ত খুব কাঁদবি, হয়ত
বা আমায় পাগল বলে দেদার হাসবি ।

হাসিনা । আতঙ্কের কথা বলছো অথচ সে কথা শুনে আমি হাসবো ?

নব্বু । তাতে আর আশ্চর্য্য কি ? এই আমি একজন নেশাখোর—
জল দেখলেই আমার আতঙ্ক হয় আর তুই তা দেখে হাসিস্—ঠিক
এন্নি একটা ব্যাপার মনে কর ।

হাসিনা । তাই বা মনে কর্তে যাবো কেন ? তোমার জল দেখলে
যেমন ভয় হয় শক্রর ছুরি দেখলেও ত ভেয়ি ভয় হয়—তাবলে এটা
ত আর হাসির কথা নয় ।

নব্বু । তা নয় বটে—কিন্তু জানিস ত আমাকে শক্রর ছুরি আমি
মোটাই ভয় করি না । ছুরি দেখলে আমার বুকের রক্ত নেচে
ওঠে—হাতের লোলমুষ্টি পাথরের চেয়েও শক্ত হয়ে ওঠে—কোমরে
ঝোলানো মরচেধরা ছুরিখানা ধাপ থেকে টানতেই সমস্ত মদুচে
ঝরে গিয়ে রোদে ঝকঝকিয়ে ওঠে ।

হাসিনা । তবে এ কিসের আতঙ্ক বাবা ?

নব্বু। ঋণ—কোন সুদূর অতীতের একটা অজানা ঋণ! যা হাসিনা,
তুই ঘরে যা—

হাসিনা। কার ঋণ? কিসের ঋণ? শুনেছি তুমি ত চিরদিনই
ভিক্ষুক—তোমার আবার ঋণ কিসের বাবা?

নব্বু। আমার ঋণ নয় হাসিনা, সয়তান বলে আমার পিতৃঋণ, আর
সে ঋণ শোধ কর্তে হবে আমাকে—

হাসিনা। একি অগ্নায়!

নব্বু। অগ্নায় কেন বলছিস হাসিনা, বল তোর মেহেরবান খোদার
মেহেরবাণী।

হাসিনা। মহাজন কে বাবা?

নব্বু। আলোপ্যোর প্রধান আমীর ইয়ুফান সাহ—ব্যস, আর তোর
কিছু শোনবার নেই মা, এইবারে ঘরে যা—

হাসিনা। ওঃ এরা কি মানুষ!

নব্বু। সয়তান—হাসিনা সয়তান। যা—

হাসিনা। কিন্তু এ অগ্নায়ের প্রতিবাদ ক'রে আমরা যদি সুলতানের
কাছে আবেদন করি তাহলে কি এ অগ্নায়ের প্রতিকার হয়না বাবা?

নব্বু। সেখানে পৌঁছাবো কেমন ক'রে হাসিনা, আমরা যে গরীব।

হাসিনা। গরীব বলে কি আমরা তাঁর প্রজা নই বাবা?

নব্বু। ঐখানেই গলদ হাসিনা—ঐখানেই গলদ! গরীবের কান্না
কেউ শোনে না—রাজাও শোনে না, বুঝি খোদাও শুনতে
পায় না।

হাসিনা। ভুল ধারণা বাবা, রাজা না শুনলেও খোদা শুনবেনই শুনবেন।

নব্বু। এও শোনা কথা হাসিনা, এতখানি উমোর হলো কখনও ত—
যাক্ ও কথা—তুই ঘরে যা—

[হাসিনার প্রস্থান।

হাসিনার শুকনো মুখ দেখেও এইখানে নিশ্চিন্ত হয়ে বসে থাকবো ? না—না—তা পার্কে না—ভিক্কায় বেরুতেই হবে। কিন্তু সেই অবসরে যদি সয়তান ইরুফান আমার স্নেহের পুতলীকে ছোর ক'রে ধরে নিয়ে যায়! সয়তান তাকে বাঁদী কর্তে চায়—বিনিময়ে আমার ঋণমুক্ত করবে ? না—না—তা হবে না—প্রাণান্তেও আমি তা হতে দোব না—এইখানে যথের মতো তাকে আগলে বসে থাকবো—সারাদিন সারারাত! কিন্তু সমস্ত দিন সে অনাহারী—মুখখানা শুকিয়ে গিয়েছে—আমি বাপ—বসে বসে তাই দেখবো ? খোদা—খোদা—তুমি রইলে আর আমার হাসিনা রইলো আমি ভিক্কায় চল্লুম—আমি ভিক্কায় চল্লুম—

[প্রস্থান।

হাসিনার প্রবেশ

হাসিনা। বাবা—না চলে গেছেন! আজ তিনি কেন এত উম্মনা—
কিসের আতঙ্ক তাঁর ? একটা অশ্রায় ঋণের দাবী করছে একজন
তাতে তাঁর এত আতঙ্ক কেন ? মেহমানের নাম শুনে শিউরে
উঠলেন কেন ?

ছদ্মবেশে গুলজারের প্রবেশ

গুল। [স্বগত] যে রূপ দেখে ইরুফান সাহ এতদূর আত্মহারা— সে রূপ আমায় দেখতেই হবে। বলে ভিধারীর ঘরে আসমানের ছরী—আমি তার বাদীর যোগ্য! কি স্পর্ধা ইরুফান সাহের! আলোপ্যো! সহরের রূপসী কুলরাণী গুলজার বাঈ যার বাদীর যোগ্য তাকে একবার দেখতেই হবে। এই ত মসজিদের পথ ধরে পূর্বমুখে এলুম—এই তো মেহেদীর বেড়া দেওয়া কুঁড়ে ঘর! দেখি— [হাসিনাকে দেখিয়া] বলতে ইঁ্যাগা পারো এটা কার বাড়ী?

হাসিনা। বিক্রপ কচ্ছেন কেন ভিধারীর কুঁড়েকে বাড়ী বলে—

গুল। কিছু মনে করনা বোন, অভ্যাস দোষে বেরিয়ে গেছে।

এ গৃহের মালিক কে?

হাসিনা। নব্বু ভিধারী—

গুল। তুমি?

হাসিনা। তাঁর কন্যা—

গুল। তুমি? আমি তোমারই কাছে এসেছি।

হাসিনা। কেন?

গুল। তোমায় দেখতে—

হাসিনা। কেন?

[গুলজার আত্মিনায় গেল]

শুলজারের গীত

নিরালার কোন্ কুঞ্জমাঝে

অনুরাগে ফুটেছে কোন্ ফুল ।

সৌরভে তার গেছে ভরে

ছনিয়ার দুটা কুল ॥

আকুল অলির জোর পিয়াসা,

ছুটে বেড়ায় হারিয়ে দিশা,

আমারও সেই তাইতে আসা

দেখতে দৃষ্টি ভুল কি সৃষ্টি ভুল ॥

হাসিনা । তুমি চলে যাও—তুমি চলে যাও—আমরা দীন ভিখারী
ব'লে ঘরে এসে অপমান কর্তে সাহসী হয়েছো—এতদূর স্পর্ধা
তোমার !

শুল । আমায় মার্জনা কর বোন, আমি বুঝতে পারিনি যে তুচ্ছ একটু
রহস্যের আঘাত তোমার বুকে এতখানি বাজবে । আলোপ্যোর
শ্রেষ্ঠ আমীর ইরফান সাহের মুখে তোমার অলোকসামান্য রূপের
কথা শুনে তোমায় দেখতে এসেছিলুম । দেখলুম, তার কথা অক্ষরে
অক্ষরে সত্য—কিন্তু বোন, এ সত্যতার আবেষ্টনের বাইরে যে
সয়তানের লোলুপ দৃষ্টি উঁকি মারছে, আমি ভেবে উঠতে পাচ্ছি না
তুমি তা হতে কেমন ক'রে আত্মরক্ষা করবে ।

হাসিনা । [স্বগত] ইরফান সাহ ! পিতা এরই কথা বার বার
বলছিলেন ! এখন বুঝতে পাচ্ছি তিনি এতটা উন্মনা কেন ।

গুল। কি ভাবচো বোন ?

হাসিনা। ভাবছি নিজের দুর্দৃষ্টের কথা—আর কি ভাববো !

গুল। না—আমি বলবো তুমি কি ভাবচো ? তুমি ভাবচো আমার কথা, মনে হচ্ছে তোমার আমি ঐ শয়তানের হাতের যন্ত্র এসেছি তোমার পরীক্ষা কর্তে। কেমন ?

হাসিনা। [নিরুত্তর]

গুল। চুপ ক'রে রৈলে যে ? বুঝেছি। কিন্তু এ তোমার ভুল ধারণা বোন। আমার পরিচয় শোন নি, শুনেলে হয়ত ঘৃণা কর্বে—আলেপ্যো সহরের গুলজার বাঈজীর নাম শুনেছ ? আমি সেই গুলজার বাঈ। লম্পট শয়তান ইরুফানের প্রমোদসজিনী হীন বারাজনা হলেও আমি হৃদয়হীনা নই—পবিত্রতার অমর্যাদা করি না—কর্তে জানি না। ভগ্নি বলে তোমায় সম্ভাষণ করেছি, আমি হীনা কুলটা হলেও ভগ্নির মর্যাদা রাখতে প্রয়োজন হলে প্রাণ দোব। আমায় বিশ্বাস কর বোন, জেনে রেখো, গুলজার বেঁচে থাকতে শত ইরুফান সাহের সাধ্য নেই যে তার ভগ্নির মর্যাদায় ষা দেয়।

[প্রস্থান।]

হাসিনা। এ সত্য না স্বপ্ন ! বাবা—বাবা, তোমার কোন চিন্তা নেই, মেহেরবান খোদা আমার সহায় !

[“মেহেরবাণী ইয়ে তেরা খোদা তুহি মেহেরবান” গানের প্রথম
চরণ গাহিতে গাহিতে গৃহমধ্যে প্রবেশ করিল]

[নব্বুর গৃহসম্মুখস্থ পথ দিয়া দ্রুতবেগে হামজাদ ও তৎপশ্চাৎ
মোতিয়ার প্রবেশ ও দ্বৈত গীত]

হামজাদ—

ছেড়ে দে ছেড়ে দে ছেড়ে দে

তোর নাকনাড়া আর সয়না ।

উঠতে বসতে দিসু খোঁটা

তোর কথায় কথায় বায়না ॥

মোতিয়া—

তোর হ'ল কি—এবার হোল কি ?

এত গুমোর কিসের রে তোর—

কেন এত চালাকী ?

হামজাদ—

আমি দেখেছি হাসিন্ চিড়িয়া

এবার আনবো তারে ধরিয়া

তার মিঠা বুলিতে প্রাণ জুড়াবে—

তোর ভাববো দেমাক বুজুকি ॥

মোতিয়া—

ওরে আমার সাত রাজার ধন মাণিক—

হামজাদ—

তুই থাকনা খামুশ খানিক—

মোতিয়া—

ছি ছি প্রাণটা তোর কি পল্কা

দুটো রসিকতা হাল্কা

হুয়ে পড়ে তারই ভারে একটু সোজা রয়না ।

একঘরে ঘর কর্তে গেলে

ঝগড়া কি চাঁদ হয় না ?

হামজাদ । না—না—না কিছুতেই না—তোর দেয়াক ভাঙ্গবোই
ভাঙ্গবো—

মোতিয়া । কেন হামজাদ, আমি তোর কি করেছি ?

হামজাদ । কি কর্তে বাকী রেখেছিস্ ? আমি নেহাৎ শিষ্টশাস্ত্র
গোবেচারা তাই তোর সব জুন্ম জবরদস্তী, নাকনাড়া, দাঁত ঠাঁচুনী,
সোহাগের কানমলা, চড় চাপড়, মায় লাখীটে পর্যাস্ত বেমানুম হজম
ক'রে আসছি । এত করেও তোর মুখে একটা মিষ্টি বাক্য শুন্তে
পেলুম না—“মরণ আর কি”, “ময় মুখপোড়া” তোর প্রেম সম্ভাষণ,
কথায় কথায় কবরে প্রেরণ তোর সোহাগের আকার—তার উপর
ঝাড়ু আছে, পাখার বাঁট আছে, পায়ের পাহুকা আছে । যার
পিঠের চামড়া ছপুরু সেই তোমার সঙ্গে প্রেম করবে আমার কর্ম নয় ।

মোতিয়া । ছি হামজাদ, আমি তোকে এত ভালবাসি আর তুই আমার
নিন্দে কচ্ছিস্ ?

হামজাদ । আরে তোবা—তোবা ! এ আবার নিন্দে কোথায় বিবিজান,
তোমার গুণকীর্তন কচ্ছি । যাক্, কথা কাটাকাটি ত অনেক হ'ল
—এখন তুমিও পথ দেখ, আমিও পথ দেখি—

মোতিয়া । সে কি ?

হামজাদ । অবাক হলি যে ! ইরুকান সাহেবের বান্দা হয়ে এই
প্রেমের ব্যবসারটা এখন একটু একটু শিখেছি । তাঁর মত পাকা
ব্যবসাদার না হলেও কালে যে একজন পাকা ব্যবসাদার হতে
পারবে। এটা আমি শ্লুক ক'রে বলতে পারি ।

মোতিয়া । কি বলছিন্ তুই ?

হামজাদ । ঠিক বলছি—এ ব্যবসায় লাভ কর্তে গেলে লেনদেন হাতবদুলানো নিত্য নতুন চাই—একজায়গায় মাটি কামড়ে পড়ে থাকলে লাভ ত দূরে থাক, উল্টে মূলধনে ঘা পড়ে । দেউলে ত হতেই হবে, তা ছাড়া—হাল হবে ঠিক আমারই মত—গালও শুনতে হবে কানও বাড়িয়ে দিতে হবে—আবার মান ভাজতে পায়ের তলায় গড়াগড়ি দিতে হবে—যেমন দর্গায় ধর্না দেয় । কাজ কি অত ল্যাঠায় ! ইরুফান সাহেব নয়। চিড়িয়ার পেছনে ছুটেছেন, আমি বান্দা তাঁর একটু কেলামতি দেখাবো না ?

মোতিয়া । নতুন চিড়িয়া ? কোথায় ?

হামজাদ । এ্যাদিন বাদ্জী নাচনেওয়ালীর উপর নজর ছিল—কিছু যায় আসে নি, কিন্তু এখন লুক্কুটি গিয়ে পড়েছে অনেক দূরে—
ভদ্রলোকের অন্তরের আবরু ভেদ ক'রে—

মোতিয়া । কোথায়—কত দূরে হামজাদ ?

হামজাদ । নিকটেই—এক ভিখারীর ঘরে । দীন ভিখারীর মাথায় একটা অজানা ঋণের বোঝা চাপিয়ে কোশলে তার সর্বনাশ করাই ইরুফান সাহেবের উদ্দেশ্য ।

মোতিয়া । কি করি মনে কচ্ছিন্ ?

হামজাদ । ঋণের দাবী অনেক টাকার কি যে কর্বো কিছুই ভেবে ঠিক কর্তে পাচ্ছি না । পরাধীন ক্রীত দাসদাসী আমরা আমাদের যোগ্যতাই বা কতটুকু ? কথাটা শুনে প্রাণের ভেতর কি রকম কি

একটা হয়ে গেল—তোমার কাছে বিরক্তির ভাব দেখিয়ে মনিবের বাড়ী থেকে চলে এলুম—কিন্তু কেন এলুম, কি কর্তে এলুম তাতো তেবে ঠিক কর্তে পার্ছিলা মোতিয়া। কথায় বা কার্যে আমাদের কে বিশ্বাস করবে—আমরা যে সেই সময়তানের বান্দা বাদী !

মোতিয়া। তবে আর কি কর্বি, চল, ফিরে যাই—

হামজাদ। এই ঘৃণিত জীবনটাকে একটা বড় কাজে লাগাবো বলে যে মন নিয়ে সময়তানের পুরী থেকে বেরিয়ে এসেছি সে মনটাকে ব্যর্থতার কঠোর আঘাতে ভেঙ্গে চূরুমার ক'রে নিয়ে আবার সেখানে ফিরে যাবো ?

মোতিয়া। ফিরে যেতেই হবে। ভুলে যাচ্ছি কেন হামজাদ, আমরা যে আত্ম-বিক্রীত। চারিদিকে তার হাজার হাজার লোক—তাদের দৃষ্টি এড়িয়ে কোথায় পালাবি হামজাদ ? পালাতে ত পার্ছিলা, উপরি লাভ হবে—অত্যাচার—উৎপীড়ন—নির্যাতন ! কাজ নেই হামজাদ, চল ফিরে যাই—যদি পারিস ত মনের সঙ্কল্প কাজে পরিণত কর সেইখানে বসে।

হামজাদ। মোতিয়া—[ইঙ্গিতে চূপ করিতে বলিল]

মোতিয়া। মনিব যে ! কি হবে হামজাদ ?

[হামজাদ ইঙ্গিতে তাহাকে নীরব থাকিতে বলিল]

সানুচর ইরফান সাহের প্রবেশ

হামজাদ। এই যে ছজুর—বান্দা থাকতে জনাবের এতটা তকলিফ করার প্রয়োজন কি ছিল? কাল রাত্রে জনাবের সঙ্গে গুলজার বাদ্গয়ের যে তর্ক হচ্ছিল তার যেটুকু বান্দা শুনেছে তাতেই ছজুরালীর মনের কথা জানতে পেরেছে। তাই জনাবের আদেশের অপেক্ষা না করে বান্দা ছুটে এসেছে সে চিড়িয়ার সন্ধানে।

ইরফান। সাবাস্ গোলাম। কিন্তু এখানে দাঁড়িয়ে সে চিড়িয়া ধরবার কি উপায় ভাবছিস্ হামজাদ?

হামজাদ। তাই তো! কি বলবো জনাব? বাদী তুই বল?

ইরফান। কেন তুইই বল না কি হয়েছে।

হামজাদ। এখানে এসে বাদীকে পাঠানুম সেই চিড়িয়ার সন্ধানে—
বাদী ফিরে এসে বললে চিড়িয়া উড়েছে। তাই ভাবছি জনাব,
কি কর্ণো!

ইরফান। মিথ্যা কথা—একটু আগে গুলজারের সঙ্গে তার দেখা হয়েছে—গুলজার সে কথা ভাঙ্গতে চায় নি আমি কৌশলে তা জেনেছি—

হামজাদ। আমি শুনলুম জনাব, তার একটু পরেই সেই ভিকিরী বেটা তাকে নিয়ে কোথায় চলে গেছে। নয় মোতিয়া? আমরা এই কথাই শুনলুম না?

মোতিয়া । হ্যা—জনাবালী—আমরা ঐ কথাই শুনেছি—

ইরফান । বটে ! [অলুচরদের প্রতি] তোমরা এখনি যাও—এ

সহরের প্রত্যেক গৃহের প্রত্যেক কক্ষ, পথ, ঘাট, উদ্যান, উপবন

সমস্ত তন্ন তন্ন ক'রে অনুসন্ধান কর—তাদের যেখানে যে অবস্থায়

পাবে আমার কাছে নিয়ে আসবে—[অলুচরগণের প্রশ্নান]

দেখাবো একবার সেই ভিখারী সয়তানকে ইরফান সাহের উপর

চাল চালার পরিণাম কি ? আয় হামজাদ—

হামজাদ । হাল চালটা একবার ভাল ক'রে না দেখেই যাবো

হুজুর ?

ইরফান । ভাল, দেখেই আয়—

[প্রশ্নান ।

হামজাদ । মোতিয়া, এইবার তুই একটা মতলব দে—

মোতিয়া । মেয়ে মানুষের কাছে মতলব চাচ্ছিস তুই ?

হামজাদ । ওরে মেয়ে মানুষের ইচ্ছত বাঁচাতে মেয়ে মানুষের

মতলবই বেশী কাজে লাগে ।

নরুর প্রবেশ

নরু । হাসিনা—হাসিনা—মা—

হামজাদ । আন্তে বুড়ো মিঞা, আন্তে—মাথার উপর বিপদের ঝাঁড়া

বুলছে তোমার—চেলাবে কি মরবে ।

নব্বু। কে তুমি ? কি বলচো ?

হামজাদ। পরিচয় শুনে বিশেষ সুখী হবে না বুড়ো মিঞা, তবে
যা বলবো তা যদি শোন হয়ত কাঁড়া কেটে যাবে।

নব্বু। তোমার কথা শুনি আমি কিছুই বুঝতে পাচ্ছি না—একটু
দাঁড়াও তুমি, এসে তোমার কথা শুনবো—আগে তাকে কিছু
খেতে দিয়ে আসি—সমস্ত দিন অনাহারে আছে সে—আর আমি
বাপ হয়ে এখনও নিশ্চিন্ত আছি—

হামজাদ। একদিন না খেলে মানুষ মরেনা বুড়ো মিঞা, কিন্তু এক
লহমার বিলম্বে সর্বনাশ হয়ে যেতে পারে।

নব্বু। কেন ? কিসের সর্বনাশ ?

হামজাদ। সব জেনে শুনে কেন শ্রীকাকা হচ্ছো বুড়ো মিঞা ? যদি
কণ্ঠার মর্যাদা রাখতে চাও এখনি তাকে নিয়ে পালাও—
ইয়ুফান সাহের চর চারদিকে তোমাদের সন্ধানে ফিরছে। আমি
ইয়ুফান সাহেবকে বুঝিয়েছি তোমরা আগে হতেই সহর ছেড়ে চলে
গেছ—

[অন্তরাল হইতে ইয়ুফান সাহের একজন অনুচর

তাহাদের দেখিয়া দ্রুত চলিয়া গেল]

নব্বু। এত মেহেরবানী তোমার এই গরীবের প্রতি—কে তুমি ?
তুমি কি খোদার দূত ?

হামজাদ। ওসব বকেয়া বুলি ছাড়ো মিঞা, অমূল্য সময় নষ্ট না
করে কণ্ঠার মর্যাদা রক্ষা কর—পালাও—

হাসিনার প্রবেশ

হাসিনা। কার সঙ্গে কথা কইচো বাবা ?

নব্বু। কে হাসিনা—এসেছি—বেশ করেছি—চল—চল পাগিয়ে
যাই—

হাসিনা। কোথায় যাবো বাবা ? আমার পবিত্র জন্মভূমি—আমার
মায়ের পবিত্র স্মৃতিমন্দির—আমার আবাণ্যের আনন্দনিগয় এই
কুঁড়ে ছেড়ে কোথায় যাবো বাবা ? যার প্রত্যেক অণু পরমাণুতে
আমার অতীত জীবনের সমস্ত স্মৃতি জড়ানো, যার প্রত্যেক
ধূলিকণাটি আমার স্নেহময়ী জননীর চরণ স্পর্শের স্মৃতি বুকে নিয়ে
চির পবিত্র মহাতীর্থে পরিণত হয়েছে—সে পুণ্যতীর্থ ছেড়ে আমি
কোথায় যাবো বাবা ?

নব্বু। কোথায় যাবি ? যদিকে হু চক্ষু যায়—জানিনা, বেহেস্তে
কি জাহান্নমে—

হাসিনা। বাবা—

হামজাদ। বুড়ো মিঞা, এখনো বিলম্ব কচ্ছে ?

নব্বু। কি জানো ভাই, বহুদিনের সম্বন্ধ এই পাতার কুঁড়ের সঙ্গে—
যৌবনে একদিন কত আশা নিয়ে দুটি প্রাণী আমরা এই কুঁড়ের
বেঁধেছিলুম, তারপর খোদা একটা নতুন দিয়ে আমার পুরোনো
সাথীটিকে কেড়ে নিলেন। সেই থেকে এই কুঁড়ের বাস করছি
আমার সেই নতুন অবলম্বনটিকে বুকে ক'রে। আজ বড় আদরের
সেই স্মৃতিমন্দির ছেড়ে যেতে—

[নেপথ্যে অশ্বপদ শব্দ]

মোতিয়া । হামজাদ, একদল ঘোড়া ছুটে আসছে না ।

হামজাদ । সর্বনাশ—ইরফান সাহেব । কি করলে বুড়ো মিঞা—
কি করলে !

অশ্ব হইতে অবতরণ করিয়া সানুচর ইরফান সাহেব প্রবেশ

ইরফান । কোথায় পালিয়েছিলে সয়তান ?

হামজাদ । বুড়ো হয়ে লোকটার ভীমরথি হয়েছে জনাবালী । সেই
আপনারা চলে গেলেন—আমরা ভাবছি কি করি—হঠাৎ দেখি—
বুড়ো মিঞা মেয়ের হাত ধরে অতি সন্তর্পণে বেড়া ঠেলে চুকছে ।
তড়াক্ করে গিয়ে ধরলুম বুড়োর হাতটা চেপে । তার পর সেই
থেকে এত বোঝাচ্ছি—সোঝাচ্ছি—কিছুতেই কিছু হচ্ছেনা ।
বাঁদীকে দিয়ে সংবাদ পাঠাবো মনে কচ্ছি—শুন্তে পেলুম ঘোড়া
ছজুরদের—খটাবগ্ খটাবগ্ পায়ের শব্দ । ব্যস, এতক্ষণে হাঁপ
ছেড়ে বাঁচলুম ।

ইরফান । মনে করেছ কি মুর্খ সহর ছেড়ে গেলেই ইরফান সাহেব
ঋণের দায় থেকে মুক্তিলাভ করবে ?

নব্বু । পালিয়েছিলুম ? কে বললে পালিয়েছিলুম ?

হাসিনা । আমরা ত কোথাও যাইনি—বাবা গিয়েছিলেন ভিক্ষা
কর্ত্তে—এই মাত্র ফিরে এসেছেন, এই লোকটা কোথায় যাবার কথা
বাবাকে বলছিল—কিন্তু আমরা ত কোথাও যাইনি ।

[হামজাদ নব্বুকে ইঙ্গিত করিল]

নব্বু। পালিয়েছিলুম—ই্যা—ই্যা—পালিয়েছিলুম, কিন্তু কিরে এলুম
পিতৃঋণের দায়ে—

হাসিনা। কেন বাবা মিথ্যা কথা বলছো? কখন পালালে
তুমি? বলনা—ভিক্কার গিয়েছিলে। যা পেয়েছ মহাজনকে
দাও। আমরা উপবাসী থাকবো—এয়ি করে ঋণ শোধ
করবো।

ইরুফান। পালাওনি? হামজাদ?

হামজাদ। আন্তে দস্তুরমত পালিয়েছিল, আমি না হলে—

হাসিনা। মিথ্যা কথা—আমরা পালাইনি। কেন পালাবো?
পিতামহের ঋণ শোধ কর্তে হয়, নিজেদের খোরাকের অর্ধেক দিয়ে
অল্প অল্প ক'রে শোধ করবো—পালাবো না!

ইরুফান। কিন্তু তাতে যে সারা জীবনেও শোধ কর্তে পারেনা
সুন্দরী—

হাসিনা। না পারি খোদার কাছে ত আর গুণাগার হবনা।

ইরুফান। তা হয়না সুন্দরী। নব্বু—

নব্বু। জনাব—

ইরুফান। তোমায় আগেও বলেছি, এখনও বলছি—শুধু তোমার
কন্টার বিনিময়ে আমি তোমার ঋণ মুক্ত কর্তে পারি। বল, তুমি এ
প্রস্তাবে সন্মত কিনা? তোমার কন্টা তোমারই থাকবে, শুধু একটা

কি ছুটো দিনের জন্য সে হবে আমার বাদী—বল, সম্মত কিনা ?

নব্বু। ঋণের জন্য আমি আপনাকে বিক্রয় করছি জনাব—

ইরফান। তুমি বৃদ্ধ হয়েছ, তোমার জীবনের কোন মূল্য নেই।

তোমার কণ্ঠার জন্য আমি নিজে এসেছি এ প্রস্তাব নিয়ে, বল, সম্মত কিনা ?

নব্বু। না—না—না—কণ্ঠামূল্যে আমি ঋণমুক্ত হতে পারবোনা।

জনাব আমায় অন্য উপায় বলে দিন—

ইরফান। ভিক্ষুক কণ্ঠার আবার মর্যাদা !

হাসিনা। জনাব, খোদা আপনাকে একরাশ অর্থের মালিক করেছেন

বলে মনে করবেন না—আপনার স্ত্রী কণ্ঠা ভগ্নিরই শুধু মর্যাদা আছে, আর সেই অর্থে আমরা বঞ্চিত বলে আমাদের মর্যাদা নেই।

ইরফান। হীন ভিক্ষুক বালিকা একজন আমীরের উপভোগ্যা হবে—

এইটুকুই তার জীবনের পরম সৌভাগ্য—চরম মর্যাদা।

হাসিনা। এ যদি সৌভাগ্য হয় জনাব, জেনে রাখুন, এমন সৌভাগ্যে

আমি পদাঘাত করি।

ইরফান। বটে এতদূর স্পর্ধা—[অনুচরদিগকে ইঙ্গিত করিবারাত্র

দুইজন হাসিনাকে ধরিল] তাঞ্জামে ক'রে নিয়ে যা সরাসর আমায় নাচঘরে—

নব্বু। ছেড়ে দে সম্মতানের দল—

[উন্মুক্ত ছুরিকা লইয়া অলুচরদিগকে আক্রমণ করিল কিন্তু
 বার্কক্য-হেতু তাহার সামর্থ্যে কুলাইল না বটে তথাপি
 সাধ্যমত বাধা দিতে লাগিল কিন্তু শক্তিম্যান ইয়ুফান
 সাহ সজোরে তাহার কণ্ঠদেশ ধরিয়া পদাঘাতে
 ভূপাতিত করিল—নব্বু আর্ডনাদ
 করিয়া সংজ্ঞা হারাইল]

হাসিনা । বাবা—বাবা—

হামজাদ । ঠিক হয়েছে—বল আর একবার পালাইনি—

[অলুচর হাসিনার মুখ বাঁধিয়া তুলিয়া লইয়া গেল]

[সকলের প্রশ্নান।

দ্বিতীয় অঙ্ক

প্রথম দৃশ্য

[স্থান—ইরুফান সাহের অট্টালিকা মধ্যস্থ নাচঘর। সম্মুখভাগ সুসজ্জিত। মধ্যে একটা দরজা—দরজায় পর্দা দেওয়া। গীতবাদের সমস্ত সরঞ্জাম ও পানাদির সমস্ত সরঞ্জাম যথারীতি সজ্জিত। একপার্শ্বে একটা সোফা। সোফার উপর সংজ্ঞাহীন অবস্থায় হাসিনা শায়িত। হাসিনার মুখ তখনও কাপড় বাঁধা। হাসিনা ধীরে ধীরে সংজ্ঞালাভ করিল। ছুই হস্তের সাহায্যে মুখের বন্ধন খুলিয়া ফেলিল—তারপর উঠিয়া বসিয়া সবিস্ময়ে এদিক ওদিক চাহিয়া দেখিল। কিয়ৎক্ষণ হতভম্বের গায় বসিয়া থাকিয়া সে উঠিয়া দাঁড়াইল, এবং দ্রুতপদে দ্বারের দিকে গেল, কিন্তু দ্বার রুদ্ধ দেখিয়া ফিরিয়া আসিল—পরে মধ্যবর্তী দরজার পর্দা সরাইয়া দেখিল সে দ্বারও রুদ্ধ তখন হতাশভাবে সোফার উপর বসিয়া পড়িল।]

হাসিনা। ওঃ এতক্ষণে মনে পড়েছে আমি কোথায় ? এ সয়তানের কবল থেকে কেমন করে মুক্তি পাবো ? কে আমার মুক্তি দেবে ? খোদা ! নসীবে কি এই লিখেছিলে ! বাবা—বাবা—কে শুনবে ? কোথায় তিনি ? তিনি কি বেঁচে আছেন ? চোখের সামনে সয়তানরা তাঁর উপর নির্ধম অত্যাচার করেছে—ঈর্ষদেহে সে অত্যাচার কতক্ষণ সহাবে ! ওঃ—বাবা—বাবা—[পুনরায় সংজ্ঞা হারাইল]

দ্বার খুলিয়া গুলজার ও হামজাদের প্রবেশ

গুল। পার্কি হামজাদ, এই অসহায়া হতভাগিনী বালিকার ভার নিতে ? যেমন উপদেশ দিয়েছি সেই মত কাজ কর্তে হবে—এতটুকু এদিক ওদিক হলে সব নষ্ট হবে।

হামজাদ। যখন তুমি সহায় তখন হামজাদ পারে না এমন কাজ ছনিয়ে নেই।

গুল। বাগানের খিড়কির ফটকে বাহকেরা আমার তাঞ্জাম নিয়ে অপেক্ষা করছে—তাদের বুঝিয়ে দিবি যেন মোতিয়াকে নিয়ে আমিই হাওয়া খেতে যাচ্ছি—আর ধবরদারী কর্তে তুই আমাদের সঙ্গী। বুঝেছিস্ ?

হামজাদ। আর তুমি ?

গুল। আমি এইখানে থাকবো ঐ ভিখিরীর মেয়ে সেজে—তারপর নসীবে যা আছে তাই হবে। হীনা বারাক্তনা আমি আমার আর লজ্জা অপমানের ভয় কি ?

হামজাদ। এতদিন তোমায় ঘৃণার চক্ষে দেখে এসেছিলুম, ভাবিনি এত মহৎ তুমি—মা তোমায় বহুত বহুত সেলাম—

গুল। ওকি চলে যাচ্ছে যে ? এতবড় একটা কাজ কর্তে যাচ্ছে পুরস্কারের আশা করনা হামজাদ ?

হামজাদ। অসহায় দুর্বলের আপদ বিপদে একমাত্র রক্ষাকর্তা খোদা—তুমি আমি শুধু উপলক্ষ বৈত নয়। কাজেই পুরস্কার দেবার মালিকও তিনি।

শুল। এ তাঁরই দেওয়া হামজাদ—নইলে ইরফান সাহেবের মত
সরতানের মন ভিজবে কেন ? একদিন সুযোগ পেয়ে আমি তার
কাছে তোমাদের মুক্তি প্রার্থনা করেছিলুম সে আমার প্রার্থনা পূর্ণ
করেছে—নিজের ক্ষুদ্র স্বার্থের জন্ত এতদিন সে কথা তোমাদের
বলিনি—এই নাও হামজাদ তোমাদের মুক্তিপত্র আর এই নাও
তোমাদের পাথর—[মুক্তিপত্র ও মুক্তাহার প্রদান]

হামজাদ। মা—মা—এত করুণা তোমার !

শুল। আর বিলম্ব ক'রনা হামজাদ—প্রস্থত হওগে—

[হামজাদ প্রস্থান করিলে শুলজার হাসিনার নিকট গেল]

শুল। ভগ্নি—

হাসিনা। কে ?

শুল। চিন্তে পেরেছ ?

হাসিনা। তুমি—তুমি এখানে কেমন ক'রে এলে ? তোমাকেও
কি তারা ধরে এনেছে ?

শুল। সে পরিচয় পরে শুনবে—এখন যদি মর্যাদা রাখতে চাও—
আমার সঙ্গে এসো—

হাসিনা। কোথায় ?

শুল। প্রণ কর না—সঙ্গে এসো—

[হাসিনার হাত ধরিয়া প্রস্থান ।

হামজাদ ও মোতিয়ার প্রবেশ

গীত

- হামজাদ— ঝক্‌ঝক্‌রির আজ হাত এড়ালি
 চল চল যাই সেলাম ঠুকে ।
 দিন মজুরি কর্‌কো হু'জন
 থাকবো কেমন মনের স্থখে ॥
- মোতিয়া— চুপ্‌ চুপ্‌ হু'সিয়ার—
 এখনো বাঘের খোপরে, জান বাঁচানো ভার,
- হামজাদ— রেখে দে তোর বাঘ সিঙ্গি—
 কার তোয়াক্‌কা আর—
 আমি সিঙ্গির মামা ভোম্বলদাস
 ছুয়া পেয়ে মার—
- মোতিয়া— চালাকী তোর রেখে দে—
 আগে কাম বাজিয়ে নে—
 যুচে যাবে আপদ বলাই
 প্রাণের হাসি ফুটবে মুখে ।
- হামজাদ— তবে ঝট্‌পট্‌ আয় দিলপিয়ারী
 এই খোলা বুকে ॥

মোতিয়া । দুঃ মড়া—

[প্রস্থান ।

হামজাদ । ওরে দাঁড়া—দাঁড়া—

[প্রস্থান ।

[হাসিনার পরিত্যক্ত পরিচ্ছদ পরিহিতা গুলজার বস্ত্রখণ্ড দ্বারা
 মুখ আবৃত করিয়া ধীরে ধীরে প্রবেশ করিল এবং
 পূর্বপরিচিত কোশলে দ্বাররুদ্ধ করিল পরে সোফার
 উপর বসিয়া কাতরস্বরে কহিল “মেহেরবান
 খোদা, মুখ রেখো।” সহসা বাহিরে
 পদশব্দ শুনিয়া সে শয়ন করিয়া
 সংজাহীনার গায় পড়িয়া
 রহিল।]

হাজি, হায়দার, হাফেজ ও ইরফানসাহ দ্বার খুলিয়া প্রবেশ করিলেন

ইরফান। বাঁদী—

বাঁদীর প্রবেশ

ইরফান। তোর উপর কি আদেশ ছিল বাঁদী ?

বাঁদী। আদেশ ছিল নয়। বিবিকে আমিরা পোষাকে সাজিয়ে
 রাখতে—

ইরফান। সে ছকুম তামিল হয়নি কেন ?

বাঁদী। বাঁদী চেষ্টার কসুর করেনি জনাবালী, বিবি কিছুতেই
 পরলে না—তার উপর বিবির ঘন ঘন মূর্ছা হতে লাগলো—

ইরফান। বটে ! এখনও দেখছি সংজাহীনা ! কে আছিসু ?

ছইজন খোজার প্রবেশ

একে পাশের কক্ষে নিয়ে যা—

[খোজাগণ খুলজারকে পার্শ্ববর্তী কক্ষে লইয়া গেল]

ইরুফান । খুলজারকে আসতে বল—

বাঁদী । বিবি হাওয়া খেতে গেছেন—

ইরুফান । সে কি ? এমন অসময়ে ?

হাজি । সেটা ঈর্ষায় জনাবালী ! জনাব নতুন চিড়িয়া ধরে এনেছেন

শুনে বিবির মেজাজ বিগড়ে গেছে ।

ইরুফান । হা—হা—হা—কে আছিস ? বাঁদীলোক—আজ বড়

আমোদের দিন—প্রাণভরে আমোদ কর—দেলখোস স্মৃতি

চালাও—বাঁদী, সিরাজী—[বাঁদী পানপাত্র দিল]

বাঁদীগণের প্রবেশ ও নৃত্যগীত

আজি ভরা ভাদরে প্রেম সায়ারে

তরঙ্গ উঠেছে নানা রঙ্গে ।

মরাল মরালী দলে হিল্লোলে নেচে চলে

সোহাগ জানায় গ্রীবা ভঙ্গে ।

মন্দ হাওয়ার পরশ পেয়ে

ঘোমটা খুলে দেখ্‌চে চেয়ে—

কইচে কলি গোপন কথা ভোমরা বঁধুর সঙ্গে ॥

ইরফান । [সুরা পান করিয়া] সেই এক্ষেয়ে বকেয়া নাচ আর
 গান । যেতে বল এদের—নতুন চাই—নতুন চাই—
 হাজি । তোমরা যেতে পার—তোমাদের গান জনাবের ভাল
 লাগছেন—[বাদীগণের প্রস্থান] কে আহিস্ ইরানী
 বুলবুল—

ইরানী নর্তকীর প্রবেশ ও নৃত্য-গীত

গুজারি কেস্তা জমানা ।

তেরে লিয়ে পিয়ারা তেরে লিয়ে—

মুন্কিল দিল বহলানা ॥

নিগাহনে দিল চুরারা—

চুঁরি ম্যর কাঁহা পিরা—

জিগর মে আগ আলারা

বানারা মুখে দিউরানা ॥

নিরালী রোতে রহি

উলফতে দরদ সহি

কুকরি পিরা পিরা—

পিরাকা কাঁহা ঠিকানা ॥

হাজি । তোফা—তোফা—আবার গাও বিবিজান আবার গাও—

[ইয়ুফান সাহ টলিতে টলিতে পার্শ্বের কক্ষে প্রবেশ করিলেন]

[যুথের আধখানা বস্ত্রাবৃত করিয়া গুলজার সঙ্গে সঙ্গে কক্ষ হইতে
নিষ্কাশিত হইল এবং বাহিরের মজলিস দেখিয়া যেন সত্যয়ে সম্মুখের
দরজা দিয়া কক্ষমধ্যে প্রবেশ করিল । ইয়ুফান উচ্চহাস্য
করিয়া উঠিল । বাহিরের মজলিসেও একটা হাসির
হরুরা উঠিল । হাসির বেগ প্রশমিত হইলে
ইরানী নর্তকী পুনরায় গান ধরিল]

গীত

আদত ভুহারা পিয়ারা জিগর আলানা ।
দিল চুরানা—উলফতে রোলানা ।
নিগাহনে কাটারি মারি ভাগি গিরা
ঘড়ি ঘড়ি দিল ধড়কে আপসান বানায়া,
ধামুশ না হোনে পাউ—
কেরা করু কিথে বাউ
বেইমান কি এয়াসসা হ্যার বুরা বাহানা ।

[গীত শেষ হইলে উন্মত্তের গায় নব্বু আসিল এবং তাহার সঙ্গে
সঙ্গে দুইজন প্রহরী ছুটিয়া আসিয়া তাহাকে ধরিতে গেল]

নব্বু । খবরদার সয়তানের দল—

হাজি । এ আবার কে ?

হায়দা । এ কুকুরটা আবার কোথেকে এল ?

নব্বু । কুকুর ! কুকুর আমি না তোরা ? পর-পদলেহী চাটুকার !

কুকুর বললে তোদের মান বাড়ানো হয়—তোরা কুকুরেরও অধম ।

বল নয়তানের দল, আমার কণ্ঠা কোথায় ?

হাজি । স্পর্ধিত ভিক্ষুককে এখান থেকে দূর করে দাও—

নব্বু । আমার কণ্ঠা কোথায় ? বল—বল—নইলে—

হাজি । প্রহরী—

[প্রহরীদ্বয় নব্বুকে ধরিতে গেল কিন্তু নব্বু ছোরা উদ্ভত
করিয়া কহিল]

নব্বু । ধবরদার—

[প্রহরীদ্বয় পিছাইয়া গেল]

হাজি । ভীকু নফর—

[ইয়ারগণ প্রহরীদ্বয়কে উত্তেজিত করিতে নব্বুর সম্মুখীন হইলে নব্বু তাহাদের গায়ে নিষ্ঠুরন ত্যাগ করিল—তখন সকলে মিলিয়া নব্বুকে আক্রমণ করিয়া ভূপাতিত করিল এবং কেহ কেহ পদাঘাত করিল । নব্বু একটুও আর্তনাদ করিল না কেবল মাত্র কাতর কণ্ঠে কহিল “হাসিনা—হাসিনা—মা আমার”—]

হাজি । স্পর্ধা এই নীচ ভিক্ষুকের !

হায়দা । কুকুরটাকে রাস্তায় টেনে ফেলে দে—

[প্রহরীগণ তাহাই করিতে গেল নব্বু পূর্বের মত কহিল “হাসিনা”—

যুখের অর্ধেক অংশ বস্ত্রাচ্ছাদিত গুলজারের কণ্ঠদেশ ধরিয়া

সম্মুখের দ্বার দিয়া ইন্সফান সাহ বাহিরে আসিল এবং

[পদাঘাতে তাহাকে দূরে নিক্ষেপ করিল]

ইরফান । এই নে তোর কণ্ঠা—

[গুলজার ভূপতিত হইয়া আর্ন্তকণ্ঠে কহিল “বাবা”—সকলে
উচ্চহাস্য করিয়া উঠিল । নব্বু, নিজের সমস্ত বেদনা সমস্ত
যন্ত্রণা ভুলিয়া সন্নেহে গুলজারকে বুকে ভুলিয়া
লইয়া কহিল]

নব্বু । হাসিনা—হাসিনা—হতভাগিনী কণ্ঠা আমার—

[সকলে আবার উচ্চহাস্য করিয়া উঠিল]

হাসহিস্ সয়তানের দল ? হাস—হাস—হাসির উচ্ছাসে জীবনের
শেষ আনন্দ উপভোগ ক’রে নে—এমন দিন আর হবে না । কিন্তু
স্বরগ রাখিস্ এর প্রতিফল একদিন পাবি—

[গুলজারকে লইয়া প্রস্থান ।

[সকলে আর একবার উচ্চহাস্য করিয়া উঠিল]

দ্বিতীয় দৃশ্য

পথ

হামজাদ, মোতিয়া ও হাসিনার প্রবেশ

হাসিনা । হামজাদ, এ অলঙ্কারের ভার আমি আর বইতে পারছি না,
খুলে ফেলি, যার জিনিষ তাকে ফিরিয়ে দেবার ব্যবস্থা কর ।

হামজাদ । এখনও আমরা সম্পূর্ণ নিরাপদ নই ।

হাসিনা । সহর ছেড়ে একদিনের পথ চলে এসেছি—কিন্তু কি আশ্চর্য্য একটা সরাই বা একটা মোসাকেরখানা দেখতে পাওয়া গেল না যেখানে একটু বিশ্রাম করা যেতে পারে ।

হামজাদ । আমরা ত সোজা পথ দিয়ে আসিনি বিবি, সে পথে একটা কেন দু-পাঁচটা সরাই পেতুম প্রয়োজন মত বিশ্রাম কর্তে, কিন্তু সে পথে ধরা পড়বার ভয় খুব বেশী । তা—তুমি কি বড় ক্লান্ত হয়ে পড়েছ বিবি ?

হাসিনা । ক্লান্ত ? না হামজাদ, আমি নিজের জন্ত বলিনি, তিথারীর মেয়ে আমি, আমার আবার ক্লান্তি !

হামজাদ । [মোতিয়ার প্রতি জনান্তিকে] ক্লান্তির অপরাধ কি—অভাগিনী আজ দুদিন অনাহারে, তৃষ্ণায় এক ফোঁটা জল পর্যন্ত স্পর্শ করেনি । মোতিয়া তুই ওকে নিয়ে ঐ গাছতলায় একটু বস—সঙ্গে কিছুই নেই আমি দেখি যদি কোথাও কিছু পাই—

মোতিয়া । দেরী করিস নি যেন, শীগগীর ফিরে আসবি—

হামজাদ । তা আর বলতে—

[প্রস্থান ।

[মোতিয়া ও হাসিনা অদূরবর্তী বৃক্ষতলে গিয়া উপবেশন করিল]

হাসিনা । দেখচো মোতিয়া, নসীবের কি জ্বর নির্যাতন ! ছার রূপ হতেই আজ আমার এই সর্বনাশ ! ছনিয়ার একমাত্র স্নেহের আশ্রয়—একমাত্র অবলম্বন স্নেহময় পিতাকে হারালুম ছার রূপের

জনু ! আশ্রয় থাকতে আশ্রয়হীন হয়ে সীমালু বিশাল ছনিয়ার কোন্ অজানিত গুপ্ত আবাসে আপনাকে লুকাতে চলেছি, সেও এই রূপের জনু ! মোতিয়া—মোতিয়া, একটা উপকার করি বোন—

মোতিয়া । তোমার উপকার করি না বোন, তোমার ঋণ কি শোধবার ? তোমার জনুই আজ এই বিশাল ছনিয়ার বুকে দাঁড়িয়ে আমরা স্বাধীনতার স্বপ্ন নিশ্বাস ফেলছি । তোমার উপকার করি না ? বল বোন কি কর্তে হবে ? জেনে রেখো বোন, মোতিয়া হামজাদ তোমারই—প্রয়োজন হলে তারা তোমার জনু প্রাণ দেবে ।

হাসিনা । তাহলে মেহেরবাণী ক'রে আমায় মৃত্যুর উপায় বলে দে—
মৃত্যু ভিন্ন এ যন্ত্রণার হাত এড়াবার আর অন্য পথ নেই ।

মোতিয়া । ছি—অমন কথা যুখে আনতে নেই । যেমন অন্ধকারের পর আলো—তেরি এ দুঃখের শেষ আছেই—এ্যায়সা দিন নেহি রহেগা ।

জনৈক লোকের প্রবেশ

লোক । তোমরাই বুঝি তোমাদের পুরুষ সঙ্গিটার সঙ্গে এখানে অপেক্ষা কচ্ছো ?

মোতিয়া । কে তুমি ? এ কথা জিজ্ঞাসা কচ্ছো কেন ?

লোক । বেচারী ভারি বিপদে পড়েছে কিনা—বেচারীর কান্না দেখে ভাবলুম হয়ত নিকটেই তার কোন আত্মীয় আছে, তাই সংবাদটা

দেবার জন্ত ছুটে এসেছি—তা তোমাদের যদি তার সঙ্গে কোন সম্বন্ধ না থাকে—

মোতিয়া । কি হয়েছে তার ?

লোক । আশ্চর্য্য ব্যাপার ! বেচারী সোজা পথ দিয়ে চলেছে, হঠাৎ কোথা থেকে জন কতক সেপাই ঘোড়ায় চড়ে এলো, কোন কথা বলতে দিলে না তাকে—একেবারে পিছমোড়া ক'রে বেঁধে ফেললে—বেচারী কত চীৎকার—কত কান্না-কাটি কর্তে লাগলো—চোরা না শোনে ধর্ম্মের কাহিনী ! তারা তাকে নিয়ে সোজা সরাই যুথো ঘোড়া ছুটিয়ে দিলে ।

মোতিয়া । এ'্যা বল কি !

হাসিনা । নিশ্চয়ই এরা সন্নতান ইব্রুকান সাহের লোক ! কি হবে মোতিয়া ?

হাসিনা । তুমি আমাদের সেই সরায় নিয়ে যেতে পারো ? মোতিয়া, সন্নতানের হাতে আত্মসমর্পণ ভিন্ন হামজাদের মুক্তির আর কোন উপায় নেই—আমি তাই কর্বে। মর্যাদা—মর্যাদা—ভিখারীর মেয়ের আবার মর্যাদা ! উপকারী বন্ধুর জন্ত—মোতিয়া—মোতিয়া আমি তাই কর্বে—আমি ধরা দোব—চল—চল তুমি দয়া করে আমাদের সরায় নিয়ে চল—

লোক । তাই তো বড় জরুরী কাজে যাচ্ছিলাম, অথচ তোমাদের দুঃখ দেখলে পাষণ গলে যায় ! চল—কাজটা না হয় পরেই হবে—

হাসিনা । চল, আর দেরী ক'র না—

সকলের গমনোচ্ছোগ, দাস ব্যবসায়ীর প্রবেশ

দাস ব্যবসায়ী । কি হে, তোমার জ্ঞান আর কতক্ষণ অপেক্ষা কর্বে ?

লোক । আর অপেক্ষা কর্তে হবে না হুজুর [জনাস্তিকে হাসিনার প্রতি] দেখ, ইনি আমার মনিব, এঁরই একটা জরুরী কাজে যাচ্ছিলুম—যখন উনি এতদূর এসেছেন তখন কাজে গাফলতি করা চলবে না—উনিও সরাইয়ে যাচ্ছেন, কাজটা সেরে আমিও সেখানে গিয়ে ওঁর সঙ্গে মিলিত হব । আমি ওঁকে বিশেষ ক’রে বলে দিচ্ছি—উনি তোমাদের পরম যত্নে ওখানে নিয়ে যাবেন । কোন চিন্তা নেই তোমাদের—বিশেষ যখন উনি আমার মনিব—[দাস ব্যবসায়ীর প্রতি জনাস্তিকে] অনেক কষ্টে সংগ্রহ করেছি হুজুর, কিছু বেশী দিতেই হবে—

দাস ব্যবসায়ী । [জনাস্তিকে লোকের প্রতি] এই নাও—কাগজপত্র পেলে বাকি—

লোক । [জনাস্তিকে দাস ব্যবসায়ীর প্রতি] তাতে আর হয়েছে কি হুজুর, বান্দার কাছে আমার হাতবাক্স, তাতেই কাগজপত্র আছে—হুজুর এদের নিয়ে সরিয়ে গিয়ে অপেক্ষা করুন আমি বান্দাকে নিয়ে এলুম বলে—যাও তোমরা হুজুরের সঙ্গে সরিয়ে যাও—আমি কাজটা সেরেই আসছি—

দাস ব্যবসায়ী । দেরী কর না যেন—এসো তোমরা—

লোক । আজ্ঞে এলুম বলে—যাও তোমরা—হুজুর আমাদের মহৎ ব্যক্তি, তোমাদের কোন চিন্তা নেই—

[একদিক দিয়া দাস ব্যবসায়ীর সঙ্গে মোতিয়া ও হাসিনা
অপর দিক দিয়া লোকের প্রস্থান ।

মেট বান্দার সঙ্গে ক্রীতদাসীগণের প্রবেশ

মেট বান্দা । অমন মুখ গোমড়া ক'রে চলেছিস কেন ভাই—হাসিখুসি কর—নাচ কর—গান কর—

১ম ক্রীতদাসী । মনিবের চাবুক খেতেই জন্মেছি—চাবুক খেয়েই মর্জ্তে হবে—ব্যথাভরা প্রাণে সরস হাসি গানের মন মাতানো সুর উঠবে কোথা থেকে ভাই ! সেখানে বাজচে শুধু কান্নার করুণ সুর— একটানা—বিরামহীন ! ভাই শুনবি ? তবে শোন—

ক্রীতদাসীগণের গীত

মোদের মলিন মুখে ধার করা হাসি
ব্যথা ভরা মোদের প্রাণ
বাজে সেথা শুধু করুণ রাগিণী
নীরব ভাবার গান ॥

বেদনা গলিয়া বরিছে নিরন্ত নরনে তপ্ত ধারা,
শুখারে গিয়াছে সব সাধ আশা হৃদয় মরুর পারা,
দেহ মন প্রাণ নহে আপনার
নাহিক বালাই নেওরা দেওরা তার

যেন রিক্ত দাতার দান ॥

[গীতান্তে সকলের প্রস্থান ।

খাদ্য ও পানীয় লইয়া হামজাদের প্রবেশ

হামজাদ । মোতিয়া—মোতিয়া—একি ! কোথায় গেল তারা ?
 মোতিয়া—মোতিয়া ! অজানা পথে ছুটি অসহায় স্ত্রীলোক—
 অলঙ্কারের লোভে কোন দস্যু কি তবে—উঃ ! ভাবতেও যে হৃদয়
 আতঙ্কে শিউরে উঠছে ! মোতিয়া—মোতিয়া—উঃ কি কলু'ম—
 কি কলু'ম—কেন আমার এ দুর্কুন্দি হ'ল ? মোতিয়া—মোতিয়া—
 [বেগে প্রস্থান ।

গুলজারকে বন্ধে লইয়া নরুর প্রবেশ

নরু । এই বার্কিক্যজীর্ণ দেহে হাওয়ার মত ছুটে এসেছি এক নিখাসে
 একদিনের পথ ! আর ভয় নেই—এইখানে একটু বস মা—খানিক
 জিরিয়ে নি—তারপর যাবো—দূরে—আরও দূরে—আরও দূরে—
 জাহান্নমে হয় সেও ভাল—

[গুলজারকে বসাইয়া নিজে পার্শ্বে বসিল]

হাসিনা—মা আমার—একি এখনও মুখে কাপড় বাঁধা তোর ?
 খুলে ফেল—খুলে ফেল, আর ভয় নেই—

[গুলজারের মুখের কাপড় খুলিয়া অবাক-বিস্ময়ে তাহার
 মুখের দিকে চাহিয়া রহিল]

গুল । বাবা—

নরু । কে তুই শয়তানী ? আমার হাসিনা কোথায় ? বল—বল—
 শীঘ্র বল—নইলে—

শুল। স্থির হও বাবা, তোমার হাসিনা নিরাপদ—

নব্বু। মিথ্যা কথা—শয়তানী—শয়তানের সঙ্গে ষড়যন্ত্র ক’রে আমার প্রতারিত করেছিসু—তোকে—[উত্তত ছুরিকা লইয়া আক্রমণ করিল, আবার সহসা কি ভাবিয়া নিবৃত্ত হইল এবং গভীর হতাশায় “হাসিনা—মা আমার” বলিয়া একটা আর্তনাদ করিয়া ভূমিতে আছড়াইয়া পড়িল এবং কিয়ৎক্ষণ অভিভূতের স্থায় পড়িয়া রহিল]

শুল। কি করি ? কেমন ক’রে এই শোকার্ভ বৃদ্ধকে সাহায্য দিই ?

কেমন ক’রে তার মন থেকে এই অবিশ্বাসের অন্ধকার দূর করি ?

নব্বু। হাসিনা—মা আমার—

শুল। বাবা—

নব্বু। সরে যা—সরে যা শয়তানী—ওঃ হাসিনা—হাসিনা—তুই—

তুই শয়তানী সব জানিস—শয়তানের সঙ্গে ষড়যন্ত্র করে তুই আমার সর্বনাশ করেছিসু—বল—বল—দয়া কর, ওরে—ওরে—বুড়ো ভিখারীকে একটু দয়া করে বলে দে আমার হাসিনা কোথায় ?

শুল। আমার কথায় বিশ্বাস করুন বাবা—শয়তানদের কবল থেকে তার পবিত্রতা রক্ষা কর্তে আমি তাকে সরিয়ে দিয়েছি। শয়তানকে প্রতারিত করে—তার নিষ্ঠুর পদাঘাত বুকে নিয়ে আপনার স্নেহের কোলে আশ্রয় নিয়েছি। আমার বিশ্বাস, আমার বিশ্বাসী ভৃত্য হামজাদ তাকে কোন নিরাপদ স্থানেই রেখেছে। চলুন বাবা, পিতা-পুত্রী মিলে আমার স্নেহের ভগ্নির অনুসন্ধান করি—

নব্বু। তুই কি বলছিসু ? এ স্বপ্ন না সত্য ? এ যদি সত্য হয়, এমন

কঠোর মত্য যে ধারণার অতীত ! একজনের পবিত্রতা রক্ষা কর্তে নিজের সর্বস্ব বিসর্জন দিয়েছিস্ ? এও কি সম্ভব ? এও কি সম্ভব ? ছুনিয়ার সব কি উল্টে গেছে ? বল দেখি—বল দেখি—এ ছপুয়ের কাঠ-ফাটা রোদ না নিশিথের স্নিগ্ধ চাঁদের আলো ? আমি যে— আমি যে কিছুই বুঝতে পাচ্ছি না—কিছুই ধারণা কর্তে পাচ্ছি না ! বুঝতে পাচ্ছি না আমি—আমি জেগে আছি কি ঘুমিয়ে আছি ! বেঁচে আছি কি মরে গিয়েছি !

শুল। অমন কচ্ছেন কেন বাবা ?

নব্বু। কৈ, কিছু ত করিনি—কিন্তু তুই জানিস কি তুই কি করেছিস্ ?

শুল। এমন কি বড় কাজ করেছি বাবা, একটু লাঞ্ছনা, একটু অপমান, একটু নির্যাতন সহ্য ক'রে যাকে বোন বলেছি, তার ধর্ম রক্ষা কর্তে পেরেছি মেহেরবান খোদার মর্জিতে ; আমি কি করেছি বাবা ? হীন বারান্দা আমি, আমার আবার লজ্জাই বা কি—অপমানই বা কি আর লাঞ্ছনাই বা কি !

নব্বু। হা—হা—হা !

শুল। বাবা—বাবা—

নব্বু। ভয় পাসনি—বুড়োর জীবনে এতখানি সুখ কখনও হয়নি— তাই এ উল্লাসের হাসি। বুকের একটা দারুণ গুরুভার নামিয়ে দিয়ে মাথায় কৃতজ্ঞতার বিরাট বোঝা চাপিয়ে দিয়েছিস্। এখন হাত ধরে পথ দেখিয়ে নিয়ে চল মা— [কিয়ৎদূর অগ্রসর হইয়া কি ভাবিয়া সহসা দাঁড়াইল এবং আপন মনে বলিল] এও কি

সম্ভব ? একজন কুলত্যাগিনী গণিকা—ছলনা, প্রবঞ্চনাই যার
 বৃত্তি—তার হৃদয় এত উচ্চ ! সব যেন গুলিয়ে যাচ্ছে ! হ্যা—
 তোর নাম ?

গুল। আলোপ্যোর শ্রেষ্ঠ নর্তকী গুলজারের নাম শুনেছেন বাবা ?

আমি সেই গুলজার !

নক্স। ঐ শয়তানের পাপ-সঙ্গিনী গুলজার ! চমৎকার অভিনয়—

চমৎকার অভিনয় !!

[উন্মাদের দ্বারা প্রস্থান ।

[গুলজার অবাক-বিস্ময়ে চাহিয়া রহিল]

তৃতীয় অঙ্ক

প্রথম দৃশ্য

সরাইয়ের গোল কামরা

[ইয়ুফান, হাজি ও হায়দার বসিয়া কথোপকথন করিতেছিল]

ইয়ুফান । এমন প্রতারণিত জীবনে কখনও হইনি হায়দার । সয়তানী
গুলজার আর সয়তান হামজাদ যে এতটা বেইমান হবে তা কখনও
ভাবতে পারিনি ।

হায়দার । একবার পেলে হয় তাদের ভাল ক'রে শিক্ষা দিই—

ইয়ুফান । সে ভাবনা পরে, আগে তার সন্ধান কর্তে হবে—সে আমায়
বড় কাঁকি দিয়ে চলে গেছে । কি সংবাদ হাফেজ—

হাফেজের প্রবেশ

হাফেজ । পাত্তা পাওয়া গেছে জনাব ।

ইয়ুফান । কোথায় ?

হাফেজ । হাতের কাছেই ছিল জনাব, এখন হাতছাড়া হয়ে গেছে—

ইয়ুফান । হেঁয়ালী রাখ, স্পষ্ট বল—কোথায় ?

হাফেজ । গতরাত্রে এই সরিয়েই ছিল তারা, প্রত্যাষেই এখান থেকে
রওনা হয়েছে ।

ইব্রাহিম । কোথায় ?

হাফিজ । সে সংবাদটা এখনও জানতে পারিনি জনাব—

ইব্রাহিম । ইস্ সব মাটি হয়ে গেছে ! এমন হাতের কাছে পেয়েও
ফস্কে গেল ! অকর্ষণ্য তোমরা—তোমাদের কোন যোগ্যতা
নেই ।

হাজি । হয়ত সরাইয়ের মালিক সে সংবাদ রাখতে পারে জনাবালি—
এই যে মেঘ না চাইতেই জল—এই যে মিঞা—

সরাইওয়ালার প্রবেশ

সরাইওয়াল। । আপনাদেরই তাঁবেদার—

হাজি । মিঞা বড় আচ্ছা আদমী—

সরাইওয়াল। । আপনাদেরই গোলাম—

হাজি । মিঞার সঙ্গে একটা ভারি জরুরী কথা ছিল—

সরাইওয়াল। । ফরমাইয়ে—গোলাম হাজির—

হাজি । মিঞার মত দেলখোস্ লোক যে সরাইয়ের মালিক সে সরাই
কিনা এমন নিরুাম !

সরাইওয়াল। । হুকুম কর্লেই হচ্ছে—ছ'দশটা বলুন আর ছ'পাঁচশোই
বলুন দেলখোস্ কুম্ কুম্ একসঙ্গে বেজে উঠবে এখন—

হাজি । বটে—বটে—বটে !

সরাইওয়াল। । বান্দা বুট্ বলে না হজুর—ওরে কে আছিস্—
কুম্ কুম্ওয়ালী—

[কতিপয় ইরানী নর্তকী প্রবেশ করিল ও অভিবাদন করিয়া
আদেশের প্রতীকায় দাঁড়াইয়া রহিল]

সরাইওয়াল। নয়া চংয়ের নাচগানে হুজুরদের দেলখোস্ কর—

[নর্তকীগণের নৃত্যগীত]

দিল পিয়ারা পিও পিয়ারা ।

দেখো রঙ্গিন রোশ্‌নী ভরা ছনিয়া রঙ্গিলা ॥

রঙ্গিন সুরজ্‌ বলে রঙ্গিন আশমানপর—

নাচে রঙ্গিন দরিয়া বুকে রঙ্গিন লহর,

রঙ্গি- চিড়িয়া বোলে, রান্‌গা কুল ছলে ছলে

পিয়ারে পেরার করে রহি নিরাল। ॥

হাজি । তোফা—তোফা—তোমরা এখন যেতে পার—মিঞা সাহেবের
সৌজন্যে বড়ই বাধিত হনুম ।

সরাইওয়াল। এ আর বেশী কি, এ আপনাদেরই ঘর—গোলাম
তাঁবেদার বৈত নয় ।

হাজি । যাক্, মিঞা সাহেবকে একটা কথা জিজ্ঞাসা কচ্ছিলুম—
মিঞা সাহেব যদি মেহেরবাণী ক'রে—

সরাইওয়াল। একি কথা—একি কথা ! গোলামকে শুগাগার
কর্ছেন কেন ?

হাজি । একটা গোপনীয় কথা—

সরাইওয়াল। করমাইয়ে—

[হাজি সরাইওয়ালার কানে কানে তাহাদের গোপন
উদ্দেশ্য ব্যক্ত করিল]

সরাইওয়ালার। [স্বগত] এদের মতলবখানা কি ? আজ সকাল
থেকে সরায়ে যে মোসাফের আসছে সেই ঐ ছুজম বাদীর খবর
জিজ্ঞাসা কর্ছে ! তাছবি ! যাই হোক, একটা মোটা রকম দাঁও
লাগাতে হচ্ছে !

হাজি। কি ভাবচো মিঞা—পাত্তা দিতে পার্কে ?

সরাইওয়ালার। আলবৎ পার্কা—তবে গোলামের বিষয়টা একটু খেয়াল
রাখবেন—

হাজি। সেজন্য চিন্তা নেই—ছজুরের মেজাজ আসমানের চেয়েও উঁচু—
মনে কর্লে তোমার নসীব ফিরিয়ে দিতে পারেন ।

সরাইওয়ালার। তা পারেন বৈকি ! তা হ'লে পাশের ঘরে আপনারা
একটু বিশ্রাম করুন—আমি এখনই পাত্তা এনে দিচ্ছি—

[সকলকে পাশের ঘরে লইয়া গেল]

পরিব্রাজকবেশী সুলতানের প্রবেশ

সুলতান। রাজ্যের এতগুলো সহর, নগর, পল্লী পরিভ্রমণ কর্ণুম—
মেহমান হয়ে এত লোকের সঙ্গে মিশলুম—আলাপ আপ্যায়নের
তৃপ্তি অতৃপ্তির ভিতর দিয়ে যে অভিজ্ঞতা লাভ কর্ণুম, রাজধানীর
বিলাস স্বচ্ছন্দতার মাঝে থেকে তার এতটুকুও ধারণা করা যায়
না। এখনও ভুলতে পারিনি সেই একদিনের কথা ! ক্ষুদ্র পল্লীর

প্রান্তে দরিদ্রতার আবেষ্টনের মধ্যে সেই সরলতামাথা মধুর
আপ্যায়ন ! ভুলতে পারলুম না সেই লাবণ্যময়ীকে—কিছুতেই
ভুলতে পারলুম না। দেখছি ত এটা সরাই—কিছু—কে আছ ?

সরাইওয়ালার প্রবেশ

সরাইওয়াল। হুকুম করুন জনাবালি, তাঁবেদার হাজির—

সুলতান। আমার একটু বিশ্রামের স্থান দেখিয়ে দাও—

সরাইওয়াল। কিছু খানাপীনা, একটু সরাব, ইরানী বুলবুলের ছোটো
মিঠা গান—

সুলতান। কোন প্রয়োজন নেই—শুধু একটু বিশ্রামের স্থান—

সরাইওয়াল। [স্বগত] বেটা দানাদার দেখছি—বিদেয় কর্তে হ'ল—

শুধু শুধু ভূতের ব্যাগার খেটে লাভ কি ?

সুলতান। কি ভাবচো ?

সরাইওয়াল। ভাবচি জনাবের উপযুক্ত বিশ্রামের স্থান আমার এ
গরীবখানায় সুবিধা হবে কিনা—

সুলতান। শুধু একটা নিভৃত কক্ষ—সাজসজ্জা আড়ম্বরের কোন
প্রয়োজন নেই।

সরাইওয়াল। আজ্ঞে সেইটাই ত আরও মুঞ্চিল !

সুলতান। এই নাও মুঞ্চিল আসানের চেঁটা কর—

[আসরফি প্রদান]

সরাইওয়াল। আজ্ঞে তাহলে ত কর্তেই হবে। আশুন আমার
সঙ্গে— [উভয়ের প্রস্থান।]

হামজাদের প্রবেশ

হামজাদ। দাসবাজারে একটা বাঁদীকে দেখবার জন্য সহরশুদ্ধ সোরগোল
পড়ে গেছে! দেখতেই হবে কে এই বাঁদী—যদি তাই হয়।
খোদা—খোদা! সত্যই যেন তাই হয়—

সরাইওয়ালার প্রবেশ

সরাইওয়াল। কে তুমি? কি চাও?

হামজাদ। আজ্ঞে আমি রহিম, দর্গা খুঁজে বেড়াচ্ছি ধর্গা দোব বলে—
আমার বড় আদরের বকুরিটা হারিয়ে গেছে, এই তারই জন্তে ধর্গা
দোব মিন্ণা—তারই জন্তে ধর্গা দোব। মিন্ণার দাড়ীটা দেখে আমার
তারই কথা মনে পড়চে আর কন্জের শেতরটা হাঁচড় পাঁচড় কর্ছে।
কি বলবো মিন্ণা তুমি কথা কইচো আর তোমার দাড়ীটা যেমন
নড়ছে, সে যখন কুলপাতা খেতো তখন তার দাড়ীটা ঠিক এন্নি
নড়তো—মিন্ণা ঠিক এন্নি নড়তো! আহা—হা!

সরাইওয়াল। আঃ কর কি! ভাল আপদ! যাও—যাও এটা
দর্গা নয় সরাই—

হামজাদ। এঁয়া বল কি মিন্ণা সরাই! তবে এইখানেই একটু গড়াই—
[শয়ন করিল]

সরাইওয়াল। আঃ মলো! মুদোরের মত পড়লো দেখ! বলি ওহে শুনচো—বলি ওহে—কি নামটা ছাই ভুলে গেলুম—বলি ওহে ও বখ্‌রী হারানো মিঞা—

ইরুফানের প্রবেশ

ইরুফান। কিসের ঝামেলা হে! কিহে মিঞা, ব্যাপার কি? তুমি সেই থেকে এইখানেই ঝামেলা কছো—পাত্তা নেবে কখন? এ কে? হামজাদ নয়? পাজী—উল্লু—গাধা—গিছোড়—বেইমান, আজ তোর একদিন কি আমার একদিন—আমার সঙ্গে বেইমানী?

হামজাদ। বলুন—যা খুসি বলুন ছজুর, শুধু মুখের কথা কেন, যা কতক চাবুক হাঁকুরান—একটা কথাও কইবোনা—এত করেও বখন কিছু কর্তে পারু'মনা তখন বুঝছি—সবই আমার নসীব।

ইরুফান। বেইমান এখনও মিথ্যার আবরণে আপনাকে সাধু সপ্রমাণ কর্তে চাস? জলজার আর মোতিয়ার সঙ্গে ষড়যন্ত্র করে তুই তাকে সরিয়ে দিসনি?

হামজাদ। বলুন—এ বদনামটুকু বাকী ছিল, এটুকুও হ'ল—আর যদি কিছু থাকে বলুন, কসুর থাকে কেন? সেই রাত থেকে আজ পর্যন্ত আমি যে তাদের খুঁজে খুঁজে হয়রান হচ্ছি—অনেক কষ্টে একটা পাত্তা লাগিয়েছি বটে, কিন্তু যতক্ষণ না তাদের পাকড়াও ক'রে ছজুরে হাজির কচ্ছি—ততক্ষণ ত আমার পরিশ্রমের কোন

মূল্য নেই—শুধু বদনামের ভাগী ! আমি বেইমান—আমি গাধা
আমি গিছোড়—আমি সব—বলে যান হুজুর, ব'লে যান—
ইরুফান । কিছু মনে করিসনে হামজাদ, সরতানী গুলজারের আচরণে
আমি মর্মে আঘাত পেয়েছি ; আমি বুঝতে পাচ্ছি না কে দোস্ত আর
কে ছবমন ! যাক্ ওকথা, ইয়ারে হামজাদ, সত্যিই কি তাদের
পাস্তা পেয়েছিস্ ?

হামজাদ । বলে যান হুজুর—যা খুসি বলে যান—আমি পাস্তা পেলেও
পেয়েছি, না পেলেও না পেয়েছি—দরকার কি আমার অত
হামজাদ—লাহুনা অপমান আমার নসীবের লেখা তাই হোক—
ইরুফান । না—না আর কিছু হবেনা তোর—তুই শুধু তাদের পাস্তা
বলে দে তার পর আমি দেখে নিচ্ছি—

হামজাদ । দরকার কি আমার ওসব কামেলায়—বলুন যা খুসি আপনার !
ইরুফান । হামজাদ, এই নে তোর পুরস্কার—[মুক্তাহার প্রদান]
পাস্তা এনে দিলে তোকে আরও খুসি কর্বে—

হামজাদ । হুজুরের মেহেরবাণী ! তা হলে ষড়িখানেক চূপ করে বলে
থাকুন হুজুর—পাস্তা যা পেয়েছি আমি ততক্ষণ সেটা পরখ
ক'রে নি—

[ইরুফান গমনোচ্ছত]

সরাইওয়াল। জনাব, তাহলে আমার বকসিস্টা ?

ইরুফান । তুমিও পাস্তা নিয়ে এসো, যে আগে আনবে বকসিস্ট
তার— [প্রস্থান ।

তৃতীয় অঙ্ক

দরদী

প্রথম দৃশ্য

সরাইওয়ানা। বহুত আচ্ছা জনাব, [স্বগত] আর দেবী করা নয়
আগে পাত্তা লাগাতেই হবে। [প্রস্থান।

সুলতানের প্রবেশ

সুলতান। আমি আশ্চর্য্য হলাম লোকটার ব্যবহার দেখে—এত
তিরস্কার—আবার সঙ্গে সঙ্গে পুরস্কার! বুঝলাম লোকটা
একটা প্রবল স্বার্থের পেছনে ছুটেছে। ব্যাপারটা কি বলতে পার ?
হামজাদ। বলে লাভ কি জনাব ?

সুলতান। লোকসানইবা কি—তবে বললে হয়ত লাভের আশা
থাকতে পারে।

হামজাদ। [স্বগত] মৃত্যু অনিবার্য্য জেনেও জলমগ্ন ব্যক্তি একটা
কুটোকেও যখন আশ্রয় করে থাকে তখন একে বলতেই বা দোষ
কি ? [প্রকাশ্যে] আশা আছে জনাব ?

সুলতান। ব্যাপার না শুনে প্রতিশ্রুতি দোব কেমন ক'রে ?

হামজাদ। তা হলে আশুন একটু নিরিবিলি জায়গা দেখেনি—

[উভয়ের প্রস্থান।

ইরফানের প্রবেশ

ইরফান। এক একটা মুহূর্ত যেন এক একটা যুগ বলে মনে হচ্ছে!
হামজাদকে বিশ্বাস ক'রে ভাল করুঁম কি মন্দ করুঁম কিছুই বুঝতে
পাচ্ছি না। কখনও ত সে নেমকহারামি করেনি—আজ সে

বেইমানী করবে ? ছনিয়ার মানুষ চেনা যায় না। আমার কাছে না হোক সে নিশ্চয়ই মোতিয়ার সন্ধানে ফিরচে—কারণ সে তাকে ভালবাসে। না—অবিশ্বাস করবার কোন কারণ দেখছি না।

সরাইওয়ালার প্রবেশ

সরাইওয়াল। [হাঁপাইতে হাঁপাইতে] জনাব, পাত্তা পেয়েছি।

ইরুফান। কোথায় ?

সরাইওয়াল। দাস বাজারে। সে দাস ব্যবসায়ী সরাই থেকে সরাসর তাদের দাসবাজারে নিয়ে গেছে বিক্রি করতে—যোটা দাঁও লাগাবে—জনাব, যোটা দাঁও লাগাবে—

ইরুফান। দাসবাজার এখান থেকে কত দূর ?

সরাইওয়াল। দূর কোথায় জনাব, বড় জোর রসি তিনচার—এই দেখুন না আমি এক দৌড়ে গিয়ে পাত্তা নিয়ে এসেছি।

ইরুফান। তুমি বললে তারা প্রত্যাষে গেছে অথচ এখনও তাদের ক্রেতা জোটেনি ?

সরাইওয়াল। খদ্দেরের গাঁদি লেগে গেছে হুজুর—পাকা ব্যবসাদার সে কেবল দাঁও কস্চে !

ইরুফান। বটে !

[প্রস্থানোত্তোগ ।

সরাইওয়াল। জনাব, আমার বকসিসু ?

ইরুফান। আগে কাজ উদ্ধার ক'রে ফিরে আসি তার পর—

[প্রস্থান ।

সরাইওয়ালা। বেটা ধাঙ্গা দিলেনা ত ? তা যদি হয়, শোধ নোব
আমি ওর সঙ্গীদের উপর দিয়ে। আমি সরাই খুলে আজ বিশ
বছর লোক ঠকিয়ে খাচ্ছি—আমায় ঠকানোর মজাটা দেখাবো—

[প্রস্থান।]

সুলতান ও হামজাদের প্রবেশ

সুলতান। এই পাঞ্জা নাও—নগরের উত্তর প্রান্তে সুলতানের ছাউনী,
সেখানে এই পাঞ্জা দেখাবে—তার পর যা কর্তে হয় স্বয়ং সুলতান
করবেন।

[উভয়ের প্রস্থান।]

দ্বিতীয় দৃশ্য

দাস বাজার

[দাস বিক্রেতাগণের আসন ও তাহাদের সন্নিকটে বান্দা ও
বাঁদীগণের বসিবার স্থান। বিক্রেতাগণ স্ব স্ব বান্দা বাঁদী
লইয়া যথাস্থানে বসিয়াছিল ক্রেতাগণ ইতস্ততঃ
ঘুরিয়া দেখিতেছিল। একজন দাসব্যবসায়ীর
পার্শ্বে হাসিনা ও মোতিয়া নতমুখে
বসিয়াছিল। একদিকে বাঁদীগণ
গাহিতেছিল।]

গীত

রূপের হাটে আমরা রূপের কঁাসি ।
 এসনা ও বিদেশী যদি কেউ প্রেমের পিয়ারী ॥
 এই নখর অধরে হাসি—
 লহরে লহরে কত সুখা করে কত সঞ্চিত সুখারামি ।
 এই সৃষ্টি ভোলানো দৃষ্টি জানায়—

নীরব ভাবায় “ভালবাসি” ॥

এই নবনীত চারু অঙ্গে—
 লীলারিত যৌবন প্রেম ভরঙ্গে,
 প্রেমের সঙ্গিনী নাও না সঙ্গে

প্রেমিক প্রেম অভিলাষী ॥

দাসব্যবসায়ী । [হাসিনার প্রতি] দেখ দেখি কেমন রজিলা চজিলা
 ওরা রংএ ঢংএ নাচে গানে বাজার সরগরম ক’রে তুলেচে—যত
 খন্দের ঐ দিকে ঝুঁকছে—আর তোরা বসে আছিস্ মুখ গোমড়া
 ক’রে ! অমন সিমূলের রূপ কে চায় ? একরাশ টাকা দিয়ে
 কিনেছি টাকা উন্মূল না হলে তোদেরই একদিন কি আমারই
 একদিন ।

মোতিয়া । কে তোমায় কিন্তে বলেছিল ? কে তোমায় বেচতে
 গিয়েছিল ? জোর করে ভদ্রধরের মেয়েকে ধরে এনেছ বাঁদী বলে
 হাটে বেচতে ! এতটুকু আক্কেল নেই তোমার—এতটুকু ধর্মভয়
 নেই তোমার ? মনে করেছ বুঝি রাজ্য অরাজক হয়েছে ? তোমার
 এ অশ্রায় অত্যাচারের শাস্তি দিতে কেউ নেই ?

দাসব্যবসায়ী । বড় লম্বা লম্বা কথা কইছিস যে ? একরাশ টাকা অগ্নি

জলে ফেলে দোব—নয় ? সয়তানি—[বেজাঘাত]

মোতিয়া । ওঃ খোদা! তুমি কি নেই!

হাসিনা । চূপ কর মোতিয়া, মিছে কেন নির্ঘাতন ভোগ করি, এরা

সয়তান এদের প্রাণে দয়ামায়া নেই । এ বিপদে শুধু খোদাকে

ডাক—রাখতে হয় তিনিই রাখবেন, মারতে হয় তিনিই মারবেন ।

দাসব্যবসায়ী । আবার কান্না হচ্ছে ? কান্না ? [বেজাঘাত] চূপ কর

বলছি—

নৃত্য করিতে করিতে গুলজারের প্রবেশ

[গুলজারের অপূর্ব নৃত্যকৌশল দেখিবার জন্য জনতা তাহাকে ঘিরিয়া দাঁড়াইল । দাস ব্যবসায়ীগণের প্রত্যেকে তাহাকে হস্তগত করিবার চেষ্টা করিতে লাগিল, ক্রেতাগণের অবস্থাও তদ্রূপ । সহসা গুলজারের দৃষ্টি হাসিনার দিকে পড়িবামাত্র সে জনতা ঠেলিয়া তাহার কাছে ছুটিয়া গেল এবং সন্মুখে তাহাকে বন্ধে জড়াইয়া ধরিল]

গুল । বোনটী আমার, তুই এখানে ? এই সয়তানের কবলে ? কেমন করে এলি বোন ?

হাসিনা । সে অনেক কথা দিদি—বলবো, যদি দিন পাই—এখন বল

দিদি কেমন করে এ সয়তানের হাত থেকে মুক্তি পাবো ?

দাসব্যবসায়ী । এরা কি বিবির পরিচিত ?

গুল । পরিচিত কি বলছেন সাহেব, আমার বোন—সাহেব যদি

মেহেরবাণী ক'রে আমার কিনে নেন তা হলে তিন বোনে এক-
জায়গায় থাকি। কখনও ত আলাদা থাকিনি—আমার গুণ দেখলেন
ত—বাজার শুদ্ধ লোক বুঁকেছে!

দাসব্যবসায়ী। খামা কথা বিবি—আমি খুব রাজী—তা—তা কি দিতে
হবে?

শুল। নগদ কিছু দেন আর নাই দেন, আমার এই দুটি বোনকে
ছাড়পত্র লিখে দিতে হবে। তাদের ইচ্ছা হয় আমার কাছে থাকবে,
না হয় যেখানে ইচ্ছা যাবে।

দাসব্যবসায়ী। তাইতো বিবি, তা কেমন ক'রে হবে?

শুল। সাহেব রাজী না হন এখানে এমন অনেক মহাজন আছেন—
যিনি ওদের কিনে নিয়ে ছাড়পত্র লিখে দিতে পারেন যদি আমার
পান—

উন্মাদের গায় নক্কুর প্রবেশ

নক্কুর। চমৎকার অভিনয়—চমৎকার অভিনয়! আমাকে ঠকাবি
তোরা? হা—হা—হা! এত বোকা আমি নই—এত বোকা আমি
নই—হা—হা—হা! কি যেন একটা কথা—এত চেষ্টা কচ্ছি মনে
কর্তে—কিছুতেই মনে হচ্ছে না—কি যেন কি খুঁজছি—অথচ কি
খুঁজছি তা মনে কর্তে পাচ্ছি না। কেবল মনে হচ্ছে চমৎকার
অভিনয়—চমৎকার অভিনয়!

[সহসা নরুকে দেখিয়া হাসিনা ছুটিয়া গিয়া
তাহাকে ছড়াইয়া ধরিল]

হাসিনা । বাবা—বাবা—

নরু । চমৎকার অভিনয়—চমৎকার অভিনয় !

হাসিনা । বাবা—

নরু । যেন কতদিনের পুরোনো পরিচিত স্বর ! অথচ—অথচ কিছুই

ধারণা কর্তে পারি না—সব অভিনয়—চমৎকার অভিনয় !

দাসব্যবসায়ী । ছেড়ে দে আমার বাঁদীকে পাজী বেয়াদব—

[নরুকে বেত্রাঘাত ও হাসিনাকে ছাড়াইয়া লইল]

নরু । ওঃ—

বেগে ইরুফানের প্রবেশ

ইরুফান । খবরদার বেয়াদব, এ বাঁদী আমার ! আলোপ্যার সর্বপ্রধান

আমীরের বাঁদীর উপর জুলুম কর্তে সাহস করিস এত স্পর্ধা তোর ?

আর গস্তানি, তোর এই কাজ ?

[একহস্তে হাসিনাকে অপর হস্তে গুলজারের কর্ণদেশ ধারণ]

দাসব্যবসায়ী । এ বাঁদীকে আমি কিনেছি জনাব—অনেক টাকা দিয়ে

কিনেছি—

ইরুফান । কার কাছে ?

দাসব্যবসায়ী । একটা লোকের কাছে—সে এর মালিক বলে পরিচয় দিয়েছিল ।

ইরুফান । জোচ্ছুরী—এর মালিক আর কেউ নয় আমি ।

হামজাদের প্রবেশ

হামজাদ । আঙ্কে না জনাব, আমি পাত্তা নিয়েছি এর মালিক স্বয়ং সুলতান ।

ইরুফান । বেইমান বেয়াদব নফর—

রক্ষীগণসহ সুলতানের প্রবেশ

সুলতান । বেয়াদবি ওর নয় ইরুফান সাহ—বেয়াদবি সুলতানের—
কারণ সে স্বয়ং এসেছে তার মালেকান সম্পত্তি দখল কর্তে—

[ইরুফান সভয়ে উভয়কে ছাড়িয়া দিল এবং একটা ভাবি অমঙ্গলের
আশঙ্কায় কাঁপিতে লাগিল এবং কাঁপিতে কাঁপিতে সুলতান
সম্মুখে নতজানু হইল । এদিকে ইরুফানের নাম শুনিয়া
ক্রোধে নব্বুর চক্ষুদ্বয় জলিয়া উঠিল সে আপন মনে
ইরুফানের নাম কয়েকবার উচ্চারণ করিতে
করিতে তাহার বিকৃত মস্তিষ্কে যেন লুপ্ত
স্মৃতি ফিরিয়া আসিল]

নব্বু। ইরুফান—ইরুফান—সয়তান—

[বলিয়াই নব্বু উদ্ভত ছুরিকা ইরুফানের বক্ষে
আমূল বিদ্ধ করিয়া দিল]

নব্বু। কণ্ঠা অপহরণের প্রতিশোধ ! হা—হা—হা !

শুল। একি কর্লে বাবা—একি কর্লে ! ইরুফান—ইরুফান প্রিয়তম !

কেন তুমি তোমার পাপ লালসা দমন কর্তে পার্লে না—নিজের
সর্বনাশ এমন ক'রে ডেকে আনলে ।

ইরুফান। অপরাধী আমি, অপরাধের উপযুক্ত শাস্তি পেয়েছি—মার্জনা

ক'রো শুলজার—মার্জনা করুণ জাঁহাপনা—আর নব্বু ভিখারী
তুমিও মার্জনা কর । (মৃত্যু)

হাসিনা। এতদিন মনের কথা কেন খুলে বলনি বোন, তাহলে ত এ
সর্বনাশ হত না—

শুল। বলবার সে অবসর পেলুম কৈ ভগ্নী ?

হাসিনা। কি কর্লে বাবা ? কি কর্লে—

নব্বু। চমৎকার অভিনয় !

শুলতান। হামজাদ, যা হবার তা ত হ'ল, এখন দাসব্যবসায়ীকে তার
প্রার্থনা মত, অর্থ দিয়ে বিদায় করে দাও ।

[হামজাদ ও দাসব্যবসায়ীর প্রস্থান ।

সুলতান । সুন্দরী হাসিনা, একদিন পিপাসায় বারি দিয়ে সুলতানকে
পরিভূষিত করেছিলে তার বিনিময়ে সুলতান আজ তোমায় উপহার
দিয়েছে তুরস্কের সিংহাসন ; উপহার গ্রহণ করে তাকে ধন্য ক'রো ।

হাসিনা । (নতজানু হইয়া) এ কী বলছেন জাঁহাপনা, আমি দীন
ভিখারীর কণ্ঠা—জাঁহাপনার বাঁদীর যোগ্যা—

সুলতান । তাহলে সে বাঁদীর আসন ওখানে নয়— এইখানে—

[হাসিনাকে সাদরে বক্ষে ধরিলেন]

নব্বু । ভিখারী নব্বু দেখছিষ্ কী ? এও কী অভিনয় ? এ যদি
অভিনয় হয় চমৎকার অভিনয় !!

অভিনয়িকা

গ্রন্থকারের অন্যান্য গ্রন্থাবলী

আরবী ছর

[পঞ্চাঙ্ক নাটক]

(মনোমোহন থিয়েটার ও ষ্টার থিয়েটারে
সর্গোরবে অভিনীত)

মূল্য—১২ টাকা

লয়লী মজনু

[ত্রয়্যাক্ষ গীতিনাটক]

(মনোমোহন থিয়েটারে অভিনীত)

মূল্য—১০ আনা

পরদেশী

[ত্রয়্যাক্ষ গীতিনাটক]

(মনোমোহন ও অষ্টাঙ্ক থিয়েটারে অভিনীত)

মূল্য—১১ আনা

নজরে নাকাল

[ত্রয়্যাক্ষ গীতিনাটক]

(মনোমোহন ও অষ্টাঙ্ক থিয়েটারে অভিনীত)

মূল্য—৮ আনা

আজব-গলৎ

[গীতিনাটক]

(ষ্টার থিয়েটারে অভিনীত)

মূল্য—১০ আনা

বিয়ের বাজার

[প্রহসন]

(ত্র্যাঙ্ক থিয়েটার ও অষ্টাঙ্ক
থিয়েটারে অভিনীত)

মূল্য—১০ আনা

সংমা

[একাঙ্ক নাটক]

মূল্য—৮ আনা

ভূমরী

[একাঙ্ক নাটক]

মূল্য—৮ আনা

অশ্রুধারা

[একাঙ্ক নাটক]

মূল্য—৮ আনা

(উপরোক্ত তিনখানি নাটক

পূর্ণ থিয়েটারে সর্গোরবে অভিনীত)

রাবণ

[পঞ্চাঙ্ক পৌরাণিক নাটক]

(যজ্ঞ)

সতী

[পৌরাণিক নাটক]

মূল্য—১০ আনা

(ব্রহ্মহলে অভিনীত)

